

BOSWA
JWA PUO

DIKWALO TSOO "TAU" — 1

DIKWALO TSOO "TAU"

.....
THE MACKENZIE SERIES

1

BOSWA JWA PUO

KE

J. M. LEKGETHO

M. S. KITCHIN

N. H. KITCHIN

THE LONDON MISSIONARY SOCIETY

TIGERKLOOF, CAPE PROVINCE

SOUTH AFRICA

1949

First edition 1949

All rights reserved

MORIJA PRINTING WORKS

MORIJA—BASUTOLAND



Bantu Studies Dept

INTRODUCTION

9n(1) 4915/57

This is an interesting little book, in more ways than one.

In the first place, it is the work of three authors : they are all school-teachers, and represent a corner of the Setswana-speaking world which tends to-day to be rather overlooked. Yet it was one of the earliest parts to come into permanent contact with European influences ; and its 'capital', Kuruman, is the centre from which have radiated, over more than a hundred years, the rays which have lit up this whole region of Southern Africa with the light of Christianity and Christian Education.

These poems are also interesting because they exemplify the changes which have been taking place in African languages and cultures during the last half-century. "All things flow," said an ancient Greek philosopher. Not only do they individually develope—they combine with other things, they change often into something quite different and apparently quite new. From West African music and rhythm, slowly combining, over long bitter years of slavery, with European forms of scale and harmony, came the slave songs and hymns, the 'Negro Spirituals'. Something akin is emerging here in Africa; and this book represents a stage, an aspect, of that process. The general background is the old Bantu tribal life, with its tribal ideals of individual bravery in the hunt—lots of lions and leopards mastered single-handed—or in battle—echoes of tribal skirmishes and of the cruelly repressed so-called 'Langberg rebellion'. But the new echoes and the new lights are those of modern Bechuanaland rural life, with its schools and teachers, its churches, and its slowly-growing appreciation of the aesthetic, of natural processes and forces, of the claims and rights of animals, and of such aspects of the great wide world as it can grasp. General Smuts appears as one of the new heroes to whom a 'Leboko' is addressed : another features Cecil Rhodes. Two world wars are referred to, in the poem on the 'Mendi' troopship disaster of 1917, and in two poems about the 1939-45 war, with its bombs and aeroplanes, its 'Jeremane', 'Benito', and 'Japane'.

One unhappy aspect of the present evolution is the use of foreign elements, strange words from Afrikaans. Now

obviously new words must come into every language, from time to time—to describe new articles or new ideas : but such importations ought to be confined as far as possible to real needs. It is certainly bad when 'selapa', 'borife', 'oporege', 'sekeleme', 'sekeriba', 'beteré', and 'turupa' appear in dignified productions such as poems! They ought to be excluded from the speech and writing of self-respecting persons, for the simple reason that they are not necessary : there are excellent and sufficient and authentic Setswana terms to express all these ideas. Such usages tend merely to become a 'slang'. And yet, in their own way, these unfortunate terms are characteristic of changes in culture which have been, and still are, taking place.

The poems in this collection represent several stages in the evolution of Setswnaa poetry. Some are old collected 'Maboko' : some are much newer attempts in the same strain. And quite a number of the pieces are attempts to use or adapt European modes.

Some of these experiments are interesting and significant. There appears a genuine rhythm of accents, in which the ear senses a division into definite 'feet'. Take such lines as the following from 'Mendi' :

Go no go sa bolola gatlapa lepê le bône,
Go no go ile bomorwa lošo lo dirwang fêla.

Such lines can be declaimed rapidly in the style of the true 'Leboko', with its atmosphere of speed, exaggeration and excitement : but they also have a legitimate analysis as hexameter lines of dactyls and trochees.

Gò no go | sà bo- | lòla ga- | tlàpa | lèpe le | bòne,
Gò no go | ile bo- | mòrwa | lòso lo | dirwang | fêla.

It has something about it reminiscent of Latin poetry, or of Longfellow's lines—

Nearer and ever nearer, among the numberless islands,
Darted a light swift boat, that sped away o'er the water.

(The first line of this quotation is identical in structure with the first line of the Setswana quotation.)

Not all the newer poetry, by any means, shows such underlying rhythms with any consistency. Yet that is the long hard art of the poet; not only to have thoughts that are worth the

attention of his fellow-men, but so to have cultured and trained his gift that he can consistently throw these thoughts into language which gives an impression of inevitability and naturalness, but which depends for its effectiveness upon a definite underlying pattern : and such a pattern is, in itself, unnatural to ordinary speech or writing.

Thus a large part of the interest of this small volume arises from the questions which it raises. Where exactly has Setswana poetry got to, and where does it seem to be going ? Does it seem to be going in the best directions ? Are the observable tendencies good and desirable ones ? People of differing views and differing traditions will answer in different ways. It does seem to the writer that, if Setswana poetry is to master new ground of thought and life, it must develope new forms. The traditional 'leboko' is an extremely limited medium, and can not be impressed very far in such new service. Its course is already run.

So I gladly commend the work of these three authors to all who use or study the Setswana language, in the belief that it will yield pleasure, interest, and information ; and in the hope that it will stimulate other Batswana writers to undertake the hard disciplines of thought and study—and of living the good life—which must go to the creation of all true and lasting literature.

A. SANDILANDS.
Kanye, B.P.

August, 1949.

ABOUT THE AUTHORS

J. M. LEKGETHO is a Motlharo by birth, born in Kuruman during Toto's rebellion of 1897. Educated first at Seoding, he later entered Tigerkloof, where he took his teacher's course. Later, at Lovedale, he took his Primary Higher Certificate.

He taught for some time in the Kuruman district, and is now teaching in the Methodist Mission School, Longlands, by the Vaal River. He is at present studying for his Arts degree.

The KITCHEN BROTHERS are Xhosas by birth, their father, who came from the Grahamstown district, having come to Motito in 1871. He never returned to Grahamstown except on one occasion, in 1911. Moabi and Neo, the ninth and tenth sons of their parents, were born in Motito (Bothithong) in the Vryburg district in 1905 and 1909 respectively. The family consists of eleven sons.

The brothers received their education in the Vryburg district and at Tigerkloof, where they trained as teachers. They are at present teaching in the Kuruman area, and have been working upon a Setswana drama. Some of their poems have already appeared in the Livingstone Tswana Readers.

KETAPELE

Lokwalô lo lo kwadilwe ka maikaélélô a go bontsha bontsi puô ya Setswana kafa e ne e buiwa ka gônê ke borraetsho—beng ba yônê pele ga puô ya seeng a tsabêla jaaka e ntse gompiyeno. Karolô ya ntlha e dule tôta mo melomung ya bônê ka bosi. Ke Maina a a duleng mo go bônê ba ba na ba sa pekanya diteme gotlhelele. Le galê, go tla fitlhêlwa go na le bangwê ba bônê ba ba dirisitseng mantšwe mangwê a Setburu, jaaka Mmereki Ditlhonke. Ga rea ka ra dirisa a Setshwana mo boemong jwa ônê, lefa re itse a le gônê e bile a ka tshwanêla, re a tlogetse fêla jaaka bônê ba a dirisitse gore e re go latêlwa go tlo go lemogwê gore le bônê ba na ba kgatlhwâ ke puô ya seeng. Balatedi ba mekgwa ba tla thusêga thata go lemoga gore ga se rona fêla ba gompiyeno ba re buang di-puô ka go di tlhakatlhakanya.

Karolô ya bobedi e kwadilwe ke ‘babaki’ ba gompiyeno; lefa re re ba gompiyeno ga se go re ba fapaanye gopê le ba malôba. Re ile ra leka go ipapetla mo motlhaleng wa bônê, lefa gongwe re sa o tshwara tôtatôta. Re lekile go dira dilô di le pedi. Lwa ntlha, re lekile go leka go kwala Maina a Setshwana ka mokgwa wa ônê wa tlhôlégô. Ka re dumêla gore Setswana le puô tse dingwê tsa seeng ke dilô tse di bapileng fêla ga se matsadi. Motho yo o itseng Setshwana sentlê o itse go re ga se tshwane gotlhe le puô tsa moseja. Mo go rona selô se ba moseja ba reng ‘Poetry’, rona re tshotse Mabôkô kgotsa Maina go re, ke ônê Poetry ya rona tôta. Mongwê le mongwê yo o kwalang Poetry ka Setswana re tle re leke gore re lemogê bo o kwadile a setse mokgwa wa rona moragô kgotsa jang.

Ga re re Setshwana ga se kake sa kwalwa jaaka Sekgoa. Fa motho mongwê a ka se kwala go molemô. Sa rona ra re re tlogêlêla ba rutegileng thata thata go ka leka jalo.

Lwa bobedi, re lekile go ipapetla mo motlhaleng wa kwalô ya Poetry ya Sekgoa, mme re tshabile go rekisa Setshwana thata ka Sekgoa—ke go re, fa re bonye bolêta jwa puô ea Setshwana gônê bo tla senngwa ke molaô wa Poetry ya Sekgoa, re ile ra šwalélêla puô bogolo ra bêêla molaô fa thokô. Go tla fitlhêlwa ditsela di le dintsi mo lokwalong lo di sa wele ka go tshwana, tse dingwê ga di lekane sentlê, mme babadi ba tla lemoga ka bosi go re re ne re rékêgêla bolêta jwa puô.

Re lemoga sentlê go re Setswana se ile ga go na pelaélô,

mme re eletsa gore mathasedi a a sa ntseng a ka nopolwa a nopolwê jaanong, e se re kgotsa ra ithuta puô ya rona re sa e tseye gopê. Ke šônê se re beileng yônê tôta e e builweng ke borrê kwa pele ga ya rona ya gompiyeno.

Le gônê re lemoga sentlê ga go tlhole go tsalwa babaki jaaka malôba. Le mo bagolung ba boša re tlhôka yo o ka ntshang Maina a manaana jaëka bo Leboleke le bo Mogolane. Fa mongwê a re o dira sengwê o fêlélwa fêla a ise a ba a tšhware tsela di lešomê. Se ke sešupô se sengwê sa go re segologolo sa rona se iketse le beng-ba šônê. Gompiyeno re bôna fa i e tla salêla fêla go etsa Makgoa. Nyaa, bagaetšho, a re tšhwareng bošwa jwa rona thata re se ikgopole go re re tla nyatsêga fa re setse dilô tse dikgologolo moragô. Batho ba bangwê ba tshaba go bua Setšwana fa ba na le bankana ba bônê ba ba rutegileng, ba re go tla twe ga ba itse sepê. Selô se segolo ke tšhomî. Re tla nyetsêga mo ditšhabeng fa re sa ipelafatse ka puô e re e anyileng tseleng.

Re rata go nêêla bagaetšho lokwalô lo maikutlô a go re ba tla rata go latêla puô ya borraabô le go leka jaaka modikwalong tse dingwê tse di gônê go e bua le go e lemoga kafa e ne e ntse ka gônê—ke šônê se re biditseng lokwalô lo “Bošwa jwa Puô.”

Mo tirong e, re thusitšwe ke batho ba le bantsi, ba re ratang go ba leboga ka dipelo tsa rona le ka boammaaruri. Bangwê ba bônê ke ba; Rrê Ramoshoana, ka go re baya mo tseleng ya kwalô ya Maina, le go re gakolola ka lobaka lotlhe. Ke ênê yo e bileng o ileng a re ntsha diphosô lwa bofêlô. Lekgotla ja N.W.D.T.U. (Literature Committee) je re leng batlhanka ba jônê. Mr. V. P. Crutse yo o re itsisitseng ba sekole se segolo sa Witwatersrand, a ba a inaya matsapa a go bala lokwalô lo lo sale mo paakanyong. Mr. D. P. Mokgosi, yo o re tsentseng mo diatleng tsa ba Moeding lwa ntlha. Moruti A. Sandilands yo o re rwesitseng matlhahu ka go re ratisa go kwala. E bile ke ênê gapê yo o tlhotheleditseng phuthêgô ya gagwê go amogêla lokwalô go lo gatissa. Bothhebotlhe fêla le ba re sa ba umakang ba dirile ka go lekalekana mo thušong ya bônê. Le ka mošô!

J. M. Lekgêthô, M. S. Kitchin, N. H. Kitchin.

THULAGANO

KAROLO YA NTLHA

KE J. M. LEKHETHO

1	Bareki . . .	(Mogolane)	1
2	Kelokilwe . . .	"	7
3	Mankurwane . . .	(Lebolokê)	9
4	Lukê . . .	"	12
5	Kgosi Toto I . .	(Kolwane)	14
6	Matebesi . . .	"	17
7	Kgobetsi . . .	"	18
8	Mofoleng . . .	"	18
9	Kekesi . . .	"	19
10	Sekodiê . . .	"	19
11	Kgopadithate . .	"	20
12	Setshogêlê . .	(Tikane)	21
13	Mokgothu . . .	"	22
14	Moipolai . . .	"	23
15	Mabifi . . .	"	24
16	Nnosang . . .	"	27
17	Kebiditšwê . .	"	28
18	Ntwaeng . . .	"	32
19	Siang More . .	"	34
20	Lekgêthô . . .	"	37
21	Seipôtlane . .	(G. Pemê)	40
22	Mokômélê . . .	(Phore)	42
23	Bareki . . .	(Mmolotsi)	43
24	Rakgôbê . . .	(Tshaa)	44

KAROLO YA BOBEDI

KE M. S. KITCHIN

1	Phefô	45
2	Mahuma-pelo a ga Phokojê	46
3	Tau—Tshikélêla ya dikgwa	47
4	Ngakê (Dr. Livingstone)	49
5	Go Nwêla ga Mendi	50
6	Madubadube a 1939	52
7	Makgaola-kgang a 1945	53
8	Kgosi Rôbanyane II	54
9	Pula	56
10	Bobaba jwa Madi	58
11	Nkwê—Tilodi ya magaga	59
12	Naledi ya Mariga—Mmanaka	61
13	Androcles a bolêla	62
14	Loratô Iwa ga Samson	63

KAROLO YA BORARO

KE N. H. KITCHIN

1	Matshedišô a Kgosi Toto	65
2	General Smuts	66
3	Kgosi Thibogang	67
4	Galešewe a Bothasitse	69
5	Banku Tlhômêlang	70
6	Morêna Maledu (Cecil Rhodes)	72
7	Borôkô—Mahura a Mmôtlana	73
8	Leuba	74
9	Tshipi	75
10	Matlhotlha-pelo a ga Ntša	76
	DITLHALOSO	78

KAROLO YA NTLHA

BAREKI

J. M. Lekgéthô

Batho ba le bantsi ba ba kileng ba utlwa Maina a ga kgosi Bareki ba tlhômamisa ka botlalô fa go sena apê a a ka a gaisang ka monate. Maina a a bakilwe ke Mogolane. Mo botshelong jwa gagwê, Mogolane o bakile fêla batho ba le babedi—Bareki le Kelokilwe, ka a na a sa bake-bake fêla a baka a tlhaola.

Bareki o baketšwe go fenza Bakgothu ba ba ne ba tšhwenya Bagamotlhware mo Kgalagadi ; le go bolaya ditau tse di ne di bogisa mo fatshing ja Gamothlware, le go palêla Batlhaping go mo tlhasêla, ba bôpa fêla ka a ba iditse diphôlôgôlô mo fatshing ja gagwê.

Mogolane o bile o ganetsa Lebolokê ka erile a baka Kgosi Mankurwane, a re :—

“Bagaetšho ba go tšhoga digaramô,
Morwê o tshabile komisi ya gago
A e bôna e tlhaga e le letšhuti” . . .

a ba a re, “Bana ba rona ba faletse-faletse,
Bangwê ba ile go wêla Kgateya,
Bangwê ba ile go wêla Tlamma,
Ba bangwê ba bônwa mo Makgoeng ;
Ba ga Maputlakanye ba sale mmôgô
Ka ba bolokilwe ke tlhale jwa gago.”

Mogolane ênê a araba ka go re,
“O kgwê mofatilha O fatlhê bagoumaki
O fatlhê merafe e e tlhôlang e go gopotsê . . .
Gaetsietse o lapetse tseleng, a re, . . .
Ba tshêla bola jwa mathe baa aka!
Yo’ Bareki ga a ka a umakediwa tlhabanô.”

Tšukudu ya Matima-kgabo kgalema
O kgalemêlê Baamotlharo ba êmê.
Re utlwa go twe Janki oa golêlgwa,
Re tle re tsênenê mo gwafeng ja gago.

Legata-kgomo le gatile garataro,
Le gatile Bakgothu re a rôbala.
Ja kgabaganya ja leba Makabolê
A tšhotsê thupa ya motlhaja a upa.

Phetudi-a-ditšaba! O fetotsê Bakgothu,
Ga re tlhole re tlhôkalana mafoko.
Kgatea o bololwa fêla le ke basadi,
Le ngwanyana yo' anyang ebile o a êta.

O sale jaka a tsalwa Thubaki—
Thôbaka-mekôtlâ ya nare le tšukudu,
Ditau tsa tšhwara tsa tlhala,
Ra bôna go tsamaya sentlê.

Mogala wa tsenngwa lekokomeng,
Pelesa ya fôla nkô e tsamaya,
Ya lalâ e lesitšwe e hula
Fa gare ga Ngaungwa le Maubêlô.

Makgobokanye o 'phutha a ditšaba,
O phuthile Maboko re mokawana ;
Modisa wa motse wa Gamothware,
Pipa-dibe wa motse wa Morolong.

O tšhubile pheko ngôgôla, Bareki—
Modisa wa Maburu le Makgowa,
Le tšhaba tshotlhe tse di mo fatshing,
—Ya tuka ya ba ya gwalalêla Matlamma.

Difohu tsa tshabêla lotlatlaneng,
Mannanyana a tshaba ka sethunya,
Dikôwa tsa tshaba di le megolêlê,
Maboko a itlhôpha mo Manameng.

Ba ikgogona bo Mmuasetšwana ;
Ga feta ga betoga Piet wa tshega—
A tshela fêla ka bobî jwa segokgo,
A tshela ka Modimo le sekgwa.

Tau ya Matšaga kubakuba
O êmê fa godimo ga thota O tlhôlê,
O kganêlê phefô go tšwa Kgalagadi,
O tatêlê maruru a maroro go tshêla.

Tau ya dikgwa tsa bo Mokiritlêlê
Le dikgwa tsa bo Moleleki setlhodi ;
Ga e ke e' ja e tla e tshotsê,
E bônwa fêla e beile mênô mahibidu.

Lerumô je le tlhabang ka Bareki,
Je o kolopang ka jônê a le esi,
Le tlhabile Bakgothu ba le bararo,
Wa bonê ja mo fatola mokôtla.

Tsamaya lo utlwisê Thameng mafoko
Bo Khukhune ba ipuê le Gaoorwe ;
Setogang le ênê a ba a utlwê,
Ba ipaanyê bo Molotlhanyi.

Ba akofê ba tlê go bua mašori
A tau tse di letse di fologile.
Tau di fologile di le tharo
Mme di tlaa bolawa ke Bareki mmôgô.

Phefô e tšwa borwa e tsididi-tsididi,
E tsididi e tlhaba mo marapong ;
Ere lo bôna e tutumisa dithhare,
Go salê Bakgothu ba se bantsi ;

Bontsi jwa Bakgothu bo ikêpêlê,
Ka Barwa go tlaa tshela ba 'mo dikgageng—
(Nka le gônê ke bolêla fêla),
Ka ba masima ba tlaa thumesediwa.

Logadima lwa ga Mantrêkê
Ke bonye lo gadimêla sebaka,
Lwa gadima lwa elama dithhare
Lo utlwile Bakgothu ba ntse ba bôpa.

Mosadi wa Morwa a thôba mogope,
Ga lala go tshêphêrêga Lesetedi.
O lelêlang, e le silo jwa gago !
O laetse bana tlhabang mariga.

Tsamaya lo utlwisê Batlhaping Kwena
Lo re ba itisê mo dikgannyeng ;
Bo' Tshipanaamagosi ba tshabê,
E re ba ga Janki bônê ba ikêfê.

O kgwê mofatlha O fatlhê bagoumaki
O fatlhê merafe e e tlhôlang e go gopotsê ;
Ba aka ba tlaa tlhajwa ke mitlwa ba tsamaya,
E re mo phateng tshêtlhô di ba tlhabe.

Etlare le metse a ba a ba fetogele,
Letsatsi le jônê le ba tloke fêla.
E le ruri Buti o tlaa ba busa,
Nonong le ênê a ba go busetse

Nkabo ke itumêla motse o sale mmôgô,
Ka O kab O kile wa batla lekgêthô,
Wa le nêwa ke Thipê wa mogoloô
A dira motse wa ga monnawê.

Ga a boife oorra Maamogwê
Kgalemêla Bakgothu ba êmê,
Morwa le Lesarwa ba atê
Dikhutsana re hurê matlantlapê.

Batho ba Dimating ba itlositse lesegô
Ka go dira mo go sa tšhwanêlang.
Ba tlodile mothala wa Nenebu,
Boo ba latêlêla Kwena seretheng.

Batho ba gago ba nonnê Phetodi
Go nonnê legakabe le lenong ;
Mme bokêtshwane ba go sêba le lekanya
Ba re, "Kgosi ga oa ka wa dira sentlê."

Ba re ekabo erile ba tlaa kgatlhêga
Wa ntsha phefô kwa Borwa wa lalêla,
Mme yare makonang, ka kuku ja ntlha,
Wa tsaya tšhaka wa gaila batho.

Raa ja ra ba ra kgora
Ra ba ra tlogwa ke mokudua,
Ra simolola go iphêfêra
Boboa jwa molala boa re tlhaba.

Batho ba tšhwerwe ke phefô e' tsididi,
Baa kwalanya ba tlhakanye ditlhôgô ;
Gaetsietse o lapetse tseleng a re
Ka Phukwi kgotsa Moranang baa tlhasêla.

Ba tshêla bola jwa mathê baa aka!
Yo' Bareki ga' ka a umakediwa tlhabanô,
O ba a tsenngwa thata yo' Bareki
Gotwe a lebê ka matlhô a bolayê.

Aitse le ka mabôgô gaa ka a fosa,
Le ka molomo yare go bua
Go tlo go nne fêla jalo ;
Ke beile kgomo fa Bareki a ka fosa.

O nkgopisa fêla ka botlhoko, Bareki,
Ga nke ke be ke rata wa rapama—
Fêla fela sa jônê se siame
Ka tlhotsa-pele ga se šwa-pele.

Kukama e e naka longwê-fêla
E tlhabile motho ya mo tlola Setoto,
E utlwile Bakgothu ba ntse ba bôpa,
Ya mo huraka ka marapô Nenebu.

Kgomo e tsentsê tlhako kgamelong
E thubile kgamêlô lo tla sêka
Mogang Mongwaketse o utlwang ;
Nyatšô lwa nyena lo thata bobe Baamotlhware !

O tshubile pheko ngôgôla, Bareki,
Pheko ya ntwa, yo Mosimanyane le Maamogwê.
E sale e kuba Mokhothu ga a kgotšwe,
Ga a tlhole a umaka ntwa go tlhabana.

Bokete jo ba tlhôlang ba bo bolêlwa,
Bo imêlê bo Luke losika lwa bônê,
O se ka wa reetsa mafoko a bophosana-motse,
Aitse mafoko a bajaki a ntse fêla jalo.

Lebolokê mo ga rona ga a fiwe,
Ke khutsana o tšholélwa lophegong.
O na a bôna Barwa ba lerile dinotshe,
A bôna khadi e bedile e wêla.

Setlhare se medile mono Tšoê,
Moruti wa šônê o kwaiwa kudumane.
Bakgothu ke nyena lo tlhôlang lo se palame,
A etlare lo se pagologa a lo tla fofa ?

(Mogolane.)

KELOKILWE

J. M. Lekgêthô

Kelokilwe e ne e le Mophadima a agile kwa Mošaweng.
Erile ka lobaka longwe Baamotlhware ba fenngwa ke
Bakgothu ka ntlha ya Bagaphadima ba gannê go bolola
le Baamotlhware, etšwa ele bônê baloma-lerôtsê. Ke gônê
Mogolane o tlogileng a mmololêla a ya go mmaka Maina a.

Kelokilwe o na a se bolo go nna a eletsa go bakwa
ke Mogolane, a gannê babaki ba le bantsi.

Maina a ke ônê a bobedi a a bakilweng ke Mogolane.

Tlhôla-tlôtlô dumêla ke gorogile !
Kgosi ga ke a tla go bolêla sepê,
Ke lerile fêla dikômang, Kgosi
Ka re gê a Setlharo se itatoletšwe ruri.
Ntla ekare O lathha motse, Karoba,
Yo' Sekhakhu O kabô O mo rometse
Ra tšhwara Bakgothu ra ba bolaya.

Malôba re tshaba Maboko O seyô,
Thaabogale o' Sekhakhu le ka Mmenyane !
Ana O ka rialo go ka siama,

Phôlôgôlô di ka rôbala borôkô,
Phuti ya tsala ntshe a kokotsha ;
Phohu tsa ba tsa bolawa mono gae,
Motho a tšoma ka pitse le tlhôbôlô sentlê.

Ka re Tlhôla-tlôtlô thusa re a nyêlêla
O thusê O re tlhatlolê borale,
O re ntshê mo ganong ja nkašêlê.
Tšhaba ke tse di re êla seoposengwe ;
Ga twe Makhonkhobe a a bôpa,
Maburu a re a tla kwano,
Makgowa le ônê a re ithaetse.

Me ke utlwile Setšhele a go gopotsê,
A re, O ka tshaba o ka khutlêla tlhabanô ;
O tla ba 'itse fa go se mogale fatshing.
Me aitse le nna ke mo dumeleltse,
Ekete o go bonye re le mmôgô,
Ka O ka tshaba nka khutlêla go baka ;
Ga nkake ka tlhôla ke utlwiwa ke baka opê.

Nka kwalêla kwa go morwâ Gasebonwe,
Ka tsêna ka Masê ka mo latolêla,
Yare kwa go Janki gônê ka isa taetšo,
Ka re ga re tlhole re le batho re nyaditšwe,
Lo re batlêlê fêla kwa go Magaseterata.
Ka manong a ikakanya Kelokilwe
Magakabe le ônê a mo kwaya moruti.

Merafe e lo tšhomang ga lo utlwe,
Fa lo ntse lo khekheisa Kelokilwe,
Lo tla thanya fêla mapô lo le tsebeng.
Ke rile ke baka ka phoraphora,
Mme ga ntshiwa fêla e thamagana,
Namane ya kgomo ya mogwere.
Magolodi a a ja batho molapong.

Tlhôla-tlôtlô ke tšamitlwâ e' naka di mitlwâ,
Ke nkai o tšhwana le sekaname,
Le 'gwêtê sa mokawa oa se tlola,
Ka e le šôkwê a kgautlhaganya mala.
O bitsa dinare a re dinatshana,
Ditau tšônê o di bitsa ditawana,
Banna o ba bitsa basimane ba lošane.

Ka ga a ka a ba a fosa, Kelokilwe
O fosa fêla ka thipa go buiwa.
Khutlisa-dintwa, o tatetse Baamotlhware
Golekane bo sa rôbalwa borôkô! [tlhabang
Basadinyana ba lebala le dikgara
Mme bannyana ba lebala matsatsa.
Mabôkô a iphiaphiisa fêla jaanong.

(Mogolane.)

MANKURWANE *J. M. Lekgêthô*

Kgosi Mankurwane o bakilwe ke Lebolokê moragô ga ntwa ya Majeng (1897). A mmololêla kwa Taung a tšwa mo Kudumane, go le thata ya borôlê le peo tôta e tlhôkafala. Lebolokê o na a tsêna ka motse oorra Lefikê pele a ese a ye go gôrôga kwa kgosing. Erile ka a na a rile a tsêna gônê a tlogêla bompapatšane kafa ntlê borra Lefikê ba mo tshêga ba mo sêba ba re, "A Motlharo o ba a tšwa tennyana-teng le dithlako a sa di rwala ?" Lebolokê a ba utlwa. A ba arabêla mo Maineng a ga Mankurwane.

Batlhaping ba na ba se dingwê le Baamotlhware, ka e ne erile ngwaga nngwe ba rile ba bololetse diphôlôgôlô kwa Tšoê Bareki a gana di bolawa, mme Batlhaping ba

kgotšwa, bo ba ikaélêla go tlhabana le Baamotlhware.
Bônê ba gana ba re ba tennwê ke ntwa.

Mere e Lebolokê o e umakang mo maineng a re o
tsile go alafa ka yônen a raya go baka. O bolêla mafatshe
a o ithutileng kwa go ônê, otlhe fêla mafatshe ao a mo
kgaolong ya Kudumane.

Lo tla utlwa jaaka a ile a kgala bagagabô ba sena go
fennwa ke Makgowa kwa Majeng. O'arabilwe ke Mogolane
a baka Bareki.

Mere ya me ke e epile kgakala
Fa kgatlhong tsa Mmuophêphê le Kgwang,
Wa boraro ke wa Majéamokgothu!
Ke dule kwa ke re ke tla go alafa Tlhapi,
Ke re, "Tlhapi tšwa metsing O mpolokê,"
Mme ke utlwa fa ke tla boyâ ke di belege fêla.

Merafe ya Bokwene lo rata metlhaje,
Senthu o go bakêla go šuga, a re itlhaganêlê.
A bo le tshêga šomô ja ga Lefikê!
A tshêga a ba 'kanama setilong, a re
A le ditlhako ga kea di rwala :
Ka re, "Tlhako tsa me di kwa pele, O aka."

Motlhmare ga a bolo go di sega,
Motlhantlhakwe o di segetse ruri :
Ke leba go tšônê ke ya go di rwala,
Le kgomo e sa tla kwa dikgoreng,
Dijô tsa me di tletse ka mogotšana
Ke tla ba ke ba ke go thusa O šule.

Ga kea tla ke anya, ke tsaletšwe mono,
Ga ke etse legogora ja Lekgowa ;
Ja motho a tsile go dira moôkô,
A ntse a botsanya jaaka lo tsetšwe.
E bo ne ne Lukê a sa ikhutse gopê,
A sa ruba lentšwê le sa kaboge gopê.

Morafe o o bokete Batlhaping !
Lo borale jang ba ga Mamai
Lo bôrang naka lwa kgama makgolo ;
Naka lwa bodile lo rêngwa fêla,
Lo tsewe ke basadi ba ya masimo,
Ba kgatshe mabêlê a lale a tsetse.

A batho ba leba jaaka ke lebile,
A lo tšhwana le nna lo tlhalogantsê ?
A lo kile lwa leba Motlhaping thamô
Lwa mo leba pelo, a gotsa Marumô ;
Kolwane ja moroba, ja mošokare
Ga lea anyêlwa ke ikanyetse fêla !

Merafe e lo tshômang ga lo utlwe,
Mpotsa ke go nnê tsebeng ke go ônêlê !
Lentšwê jeo le mašwê mapalamô,
Le mitlwa kwa tlhatshe le kwa godimo ;
Nare e mo go jônê e a tlhabaka,—
Tšatšabidi ya gago, Molefangwê !

Bagaetšho ba go tshoga digaramô,
Morwê o tshabile komisi ya gago
A e bôna e tlhaga e le letšuti.
Dira pudulele jaaka banyana !
A ga baa re ba tla etsa matlantlapê
Ba rile go rialo ga nna jang ?

Bana ba rona ba faletse-faletse,
Bangwe ba ile go wêla Kgatea,
Ba bangwe ba ile go wêla Tlamma,
Ba bangwe ba bônwa fêla mo Makgoeng ;
Ba ga Maputlakanye ba sale mmogô,
Ba bolokilwe ke botlhale jwa gago.

(Ntša di utla kgwele e wetse matlhakung)
Kala tsa ga Janki di tšhwana fêla,
Loleme lwa ga Mose, lwa ga Garebue.
Aitse yane ekete ke bôna Ra-batho,
Ka ditshenkô ekete ke tsa monna
Ekete go senka fêla Molefabangwê.

Ntsha kgomo le dikobô, Motlhaping
Ke apese bana ba gago ba namê,
Mariga a 'tlang a tla nna thata bobè.
E re kgomo ba dikê ba e kebetse,
Kgomo e tšwa sakeng e sale eno
Dipôô tsa yônê O di gapa fêla.

Tsala ya khiba e fentsê ya tshega,
Ngwana wa tadi ga a ka a bodiwa ;
Kobô ya pele e mokgwa mongwe fêla.
Thlôka-dipotšô wa ga Mma-keakgwile !
Ga a na le motho a re kea nyaêla
Ga a na le Morwa a lerile dinotshe.

LUKE *J. M. Lekgêthô*

Kgosi Lukê o bakilwe ke Lebolokê moragô ga Batlhapping ba sena go tšhwara ba bolaya Makgoa mo Qô. Ga twe Lukê o na a itse tlhôbôlô thata. Erile a ile go mmaka a fitlhêla batho bangwê kwa pele, le bônê ba ile go mmaka, mme ka a na a sa rate gore ekete ba ka reediwa, a tloga a ba senya a ba êpa. Luke o tlhabanye le Makgoa mo Qô ka ntwa ya ga Galase, yônê e e ne ya ya go falatsa Baga-Molefê kwa Dithakong.

Thata-dintsi dumêla ke gorogile,
Ke tsile ke lerile fêla pérékô.
Pôô e rile di rakanêla mafologô
E tšhweu ya ikana Setori,
E ntšho ya ikana Molefabangwê.

E tšhweu ya ikapaapa leuma
E tlhabilwe mašwê e bonye botlhoko,
Mo Qô di rakanêla mafologô.
Yoo Lukê ngwana a mabu, ga 'tšhwarwe
Yare go tšhwarwa baba ba lale ba lela!

Mothibi ga 'ka a ba a angwa,
Batho ba tla ba lale ba tshêphêrêga
Ba lale ba ikakanya, "Re tlholetšwe."
Ba setšwe ke nôga ya tlhare moragô—
Nôga ya gago Matokonyane.

Selô bogosi jwa boša ga bo tlhokwe!
Ga twe Motšhwanaesi o a itata,
Ga twe Kgôbadi o laola Dikgatlhong ;
Ba apotsê Motšhwanaesi le kgôlê ya dikgong,
Ga a tlhole a ikana Dišobanyane.

Ga twe e bile ba mmitsa ka ina ja "Boy"—
Ina ja batho ba ba êpang ditleleme.
(Ana ruri ke ila ina ja "Boy"
Ka e le ja batho ba ba nyáditšweng
Ekete ke Lukê le Mmitseemang.)

Mathakanyana a tsile ka makgakga,
Ga ba e tshase ba e taleya fêla!
Lo tlo lo mo nêê ke lo mo rutê
Ke mo etsê banna ba šuga kgama,
O kgônwa ke rona banna ba' tonna.

A bagaetšho ba utlwa fa ke kgopilwe ?
Ka ke rile ke tla go baka Mothibi,
E le ngwana a rrê ke mo itebanye,
Tšhoka ja ntshi ja ntsêna ganong
Kékêmê fa a foka fêla oa nkgora.

Ntla nka ganêla le morwa Salwe,
Kgotsa ka ganêla le morwa Maamogwê ;
Ke se ganêle le yo morwa Diphakedi.
Nna ke rile o tsile go jaka mmidi
Nteko o tsile fêla o lerile megêntô.

Ntla Morwê o ka utlwa wa kgwatha,
Thupa ya gago ya lela lephakêla !
Aitse kwa ga rona motho yo Masipo
Ga a ka a ba aa ja le batho
Ke khutsana o tšholêlwa lophegong.

(Lebolokê)

KGOSI TOTO I *J.M. Lekgêthô*

Kgosi Toto o na a agile kwa Majeng. E ne e le ênê kgosi e kgolo ya Gamotlhware, a okametse magosi le magôsana a metse ya Tšhwering. O na a tlotlilwe thata ke morafe otlhe wa gagwê le Mmušô wa Makgoa, ebile go šupegile jalo ka Goromente go mo amogedisa ka ngwaga le ngwaga.

Kgosi Toto o na a tšhwarwa moragô ya ntwa ya Majeng (1897) a isiwa Kapa kwa o šwetseng gônê. Ntwa e ya Majeng e tlhoseditšwe ke Galešewe, a sietse kwa go Toto. Erile Makgoa a mo latetse Toto a gana ka ênê a re, “Ga nkake ka phunya mogodu ka ntsha ngwana mo teng”.

Morafe wa gagwê otlhe o no wa mo êma nokeng.
Bangwê ba ya go mo tshologa mokgosi, ba bangwê ba
mo romêla dijô le marumô ka bonôntlhôtlhô.

Makhelebetla wa ga Ma-Seametšo
Yo' khelebetlileng mo fatshing jotlhe!
O ile Kudumane a umakwa,
A tsêna Gamopedi a tlhôma sekgele
A ya Maipeing a atlholêla Baamothware lefatshe.

Dikwalô di tlodile Bareki bosigo
Tsa itlhaganêla kwa Mokwena
Go Setshele-a-Motšwasele ;
Di ntse di ba latolêla metšwedi
Di re lefatshe ga le yô ba le tshotsê.

A golô kwa Taung a Oa fencya
Ka bo Mankurwane ba go bitsa selêgê ?
Aitse ba gopotsê O sêkélémê.
Ba ntse ba ganêla Dikolobeng
Ebile ba ganêla le bo Logobatê.

Batlhaping ba kwa Taung ba re
A golô koo Majeng a Oa fencya
Ka le mafatshe Oa itsêêla fêla ?
Gamasepa ba mo dutse setilô,
Manyeding Makgoa a mo itseetse.

Batho ba lo sa itseng Toto morwa Makgolokwe
Lo mmonye ka ntwa ya bosigo e faretse.
Ga tla ga boboragana Tedudintšho,
A gotlhetsa ka setlhako a hulere,
A tlerebetsa ka lentšwe ja bogosi.

Ke gatisitse lonao lwa ga Molôkôjê—
Mofakê o sa boifeng motho-o-masisi!
Lo ipapetlile le marota a batla.
O tsile a ba ruatla ka marudi botlhe,
A rwele tlhoro ya gagwê ya lenyidi.

Ga go tlhole go le tsela e mitlwa,
Di heetšwe ke Makhelebetla tšotlhe.
A ko O dirê pula O itirêlê lekôkô,
Barwa ba tsatsing ba go jakê,
Motse weno o bo o tlalê Mapotokisi.

Nna Toto ka re O loilwe ruri,
Ka re O dirilwe ka more wa Makgoa.
Ba go siêla makošwi ka dikomoki,
Ba go kgwêla mathe ganong ba go ithatisa.
Ke raya ka e le fa'O ala bomatarase.

Batho ba ko' ba nkutlwa sebuô
Nkabo ke re re go dirololê ka pheko,
Ke raya pheko ya ga Keagile.
Ekile ya re thusa re sa le banyana
Ka lobaka lwa Bakgothu ba ga Sanana.

Ke fa lefatshe ba le itsêela fêla,
Ka ba le tlhomile ditlhogoripa,
Ba le beile merapalala-tseleng.
Re tla tsamaya re ya g'wêla tennyanateng,
E le ruri re tla bôna bamatlhô-a-nong. !

A Barwa ba ba gago e ne 'le Barwana,
A e ne e se moro-o-motona wa Mabibi
Ba ba phatsa di tlalang ka mabôgô ?
Ka ke badile tausanta ka mo wetsa,
Ka tshoga fêla ka go sa tšwêlêla pele.

(Kolwane.)

Kolwane o baketse Matebesi bobelokgale. Batho ba le bantsi ba na ba bôna maina a bobelokgale ka ntwa ya Majeng. Go lemosêga fa go no go e se go nne le ntwa e e thata jaaka yônê. Baamotlhware ba na ba tlhabanye thata le Bakgothu mme go no go sa tshwane le ba lebanye le Makgoa kwa Majeng.

Mogagolakê oo Gagolamotho,
O mo etsê tau, O mo gagolê fêla,
Ga O bolo go nna O gagola batho.

Erile magakajane a m'êtêlêla pele
Manong ônê a mo sala moragô,
Ka a itse a ya go ja toto sa motho.

Ntwa di tšogile tlhê! Malefônyane,
Ntwa di tšogile wêna Ra-Moja-mongwê,
Senka kgetse ya godi O nnê ka yônê fikeng.

Ke tsile ka kgwedi ya Mopitlwê
Ya Moranang e nthogêlwa mono.
(Kgomô tsa boša di ôlêlwa kgetsing).

Nkwê-thôbêla wa ga Ma-Lotlhatšweng!
Kgomô tsa erile di thobile bosigo
Tsa tshwara tsa nna tsa pidiana-pidiana.

Matlolaganye O di leletse molodi,
Lo bônê jaaka ke rwesa Tlou mefitshana,
Le jaaka ke e rwesa bogôšô mabogong.

(Kolwane.)

KGOBETSI

J. M. Lekgêthô

A le ônê ke mangwê a Maina a bagale ba ntwa ya Majeng. "Ratla lwa tlou lo lo fatotseng lefatshe lwa ya go utlwala kwa Makabolê", go šolofélwa e le tlhôbôlô.

Naka-di-mitlwa o' Motlhôthlhomisa,
 O' Tefola le o' Leteatea!
 Lenong joo Khidi Montisi!
 Ja tlola ja rakanêla, Lenong,
 Bo' Morobê ba rakanêla ditšhwaêla.
 Ratla lwa tlou lwa fatola lefatshe
 Lwa tsamaya lwa utlwala kwa Makabolê.

Thipa ya gago e bogale, Sampi,
 Ke bonye e komola motho mokôtla
 E mo latlhêla kwa ntlê ga matlhaku,
 Thipalosega lo' MmaOrekeng!
 Kgomo etšho yo' Mmatli thamagana,
 Nngwê khunwana e mmala phatleng
 Nngwê e kile ya utlwala ka Gobusamang.

(Kolwane.)

MOFOLENG

J. M. Lekgêthô

Thôbaki wa nyena, o' Ditira a Nôtwane
 Ke Kakapa, ga e tlhole e le Mofoleng,
 O iphetotsê jaanong ke kgelegetlwa!

Nkokoi a ko O buisê mogoloô,
 Ke yo o tlaa bolawa ke bobelompe ;
 Aitse bo tlaa mo digêla ditšhaba.

Lophuthamotho lwa Mothowakae [direng !
Lo lo phuthang tlhôgô ya motho ka mabôgô
Jaana mo tšweleng ke tsile ke gorogile.

Ke tsile letseleng ke tsile go le anya,
Letsêlê ja bo Mitšwi le Mogwalagwalê—
Batho ba ba seyong bo' babedi.

(Kolwane.)

KEKESI

J. M. Lekgêthô

Mošweu-šweu mo diphologolong
O' Koyi, o' Matšhwara-go-thata !
O tšhwere morwa a mo ngaparêla
Mo lešomong ja kgosi ya rona.

Ntwa e ga loa e gama sentlê,
Ka lo e gamile senyetsana ;
Ka lo se ka lwa e gama ka pheko
Ya bo Matšhwee le Moraladi.

Ntsha tsetšho O di nnêê
Kgomô ke tse di mo Moretelê,
Kgomô tsa boša ga di tlhakanelwe,
Tsa boša di ôlêlwa kgetsing.

(Kolwane.)

SEKODIE

J. M. Lekgêthô

Pelo-e-thatê o' setlhakola-batho !
O tlhakotsê Toto Morwa a siile.
Ka re Toto, kgosi a ko O mphê,
O mphê O ntlhakanyê le batho.

Bôna jaaka e tlola Nong e tšhweu!
A ga yare di gôrôga gae
Dithamagana tšo' Gaseidiwe
Ya tlola Mong yoorra Ra-Matsile!

Di bulêlê di tsênê mo sakeng,
Mmabê taboga O bulê mekgôrô,
Motho e rile a bôna a timilwe
A ipoloka ka mabôgô a gagwê.

(Kolwane.)

KGOPADITHATE *J. M. Lekgêthô*

Rumô ja ntwa le tlhamuketse
Le tlhamuketse mahura a batho

Maôkapelo O se ka wa re kea fala,
Ke ôpêlêla fêla Ra-Lotenyana.

Lelatakgosi le ikannê bosigo,
Ya ga Toto e tsamaya bosikêlêlô.

Ke utlwile a botsa moratha-tlhôbôlô :
“A jaana tlhôbôlô eo O e laetse sekotê ?”

Ke bonye pudungwana ka kwa
E ntse e ja maokana dikala.

(Kolwane.)

Malokoganyê yo' botlhabô bongwê,
 Yo o a nne a be' fêla fa bothateng, Molokojê,
 Fêla fa gare ga phifô le santlhokwê.
 Mogale yo ke mo laetšwe ngôgôla
 Bo Mosalê ba mo iphêtlhêla fêla.

Re ya kae go Matebele mantšho,
 Go maja-a-fetsa a Baruana ?
 Eteletsa mbu pele Mokaloba,
 Kgokolosa mafikana a seôpa
 Segwarê sa mosadi a Bohurutshe!

Korwê o tšhwerwe ke motlhantlhaganyetsi.
 Korwê o rile a sa ntse a dutse,
 A sa ntse a a ja dithatha-molelô,
 A tsênwa ke tlholwê mo ganong
 A sa ntse a gopotsê dira di bolotsê.

Mathelesetsa yo' seakô se kima,
 Yo yare a a fa sejô se bôname.
 Se tšwa pedung, se tšogong ja kgosi.
 Dithotodi O ka upa Selalomê
 Wa upa mmaba a betsha matlhong.

Motšwa-kgomo tsamaya O humê thata,
 O humê dikgomo O humê le batho,
 Go tlo go fêlê fêla go sa tuwa
 "Ditake o beile motlaagana kgakala."
 A ba ga Pelo-tshêtla ba re thibogêlê.

Motho o rile, "Puu!" kwa madišô,
 Segwarê wa nyena a tlola mogope
 A itlhoma a tabola manyêtana,
 O tlhôkang ke go ôpêla diatla
 Ke re O rolêlê mophatô wa gago ?

(Tikane.)

Mokgothu ke mongwê wa diganka tsa ntwa ya Majeng.
 Ènê o bakilwe ke Tikane ka a na a lekile go botsa Maina
 a gagwê, a tšhoga go se na opê yo o kileng a utlwa a ba-
 kilwe ke opê. Bo Kolwane le Salwe e ne e le bônê ba ba
 rothothakileng diganka tšotlhe, mme ba lebala Mokgothu.
 Tikane o tlogile a mo ngôbêla a mo mmaka a re :—

Kgodumô e dikônkwana,
 Kgodumô yo' Ma-Mere e segola!
 Lo gêlêlê metse lo e tlhatlogêlê
 E ya go lala kwa Makatsatsing.

Basimane ba tlhotse ba kolopa,
 Ba kolopa molomo wa tlhôbôlô ;
 Ba o kolopa fêla ba sa o itse,
 Ba o itsile ka tshipi yoorra Mašwê.

Ngwana a kgosi yo' budulang maši,
 Yo yareng a a nwa lephakêla
 Go bo go sale fêla lophoko
 Dikhutsana di nne ka lethlonamô.

Ke bonye motho a itumetse Tlhakwane
 Ka ènê o losa a losa le ditlogolo.—
 Ke bonye a losa le Mmolawê—
 Mmolawê wa morwa Motlhabani.

Pôsê o tsenye mo gotlong sa kgosi,
 O tsenye ka gônê a tšubula nama,
 Tlhôtlha tsa bojalwa re di nolê rotlhe ;
 O goeletšwe ke dintša tšoo Bitsi.

Ke ntša tšoo Gafe le Nteisi,
Barwa ba gopotsê Mokgosi.
Mokgeledisa busa re êpêlê tšhusi
Re gaufi le molomo wa matini.

Ana o tlaa busa go diragetse eng,
Ka kgomo tsa matšhwaga di gapilwe!
A kgomo tse tsa ga mogale di gatšwa fêla
Ênê a sa ile go tlhôla kwa thameng.

O tlaa tla a jetla-jetla kejetli!
Kwa ga rona re bidisa tšhwaana.
Aitse Dithlhônkana ke Motlhaping
Ke tlogolwana soorra Mokitime.

(Tikane.)

MOIPOLAI

J. M. Lekgêthô

Moipolai le ênê ke mongwê wa bagale ba ntwa ya Majeng yo o bakilweng ke Tikane. Bogale jwa gagwê o sale a bo lemotsa fêla go ese go tšhwaraganwe. A ikana go tlhabanêla kgosi ya gagwê le lefatshe ka bojotlhé ; mme ke nneta a dira ga ba ga šwêla. Ke gônê Tikanê o mo folakang ka Maina a matalana jwa mogwang, a re :—

Mapuruputshe oorra Moremedi!
Ntwa e rile e sa ya go tlhabana,
E dutse fêla e sa kwala dikwalô,
Lenesa-pula ja ikana go tlhabana.
Ja ga Tlapê, ja ga morwa Moutlwatsi.

A ikana mme ga se ka ga tlhaêla.
O ile kwa Gamopedi a kolopa,
A ya kwa Gamolelô a tlhabana.
Batshabi ba lo tshabang menogang
Ga go tlhole go le tsela e ditshêtlhô.

Mabaakanyê o feetse tsela tšotlhe,
Buru o šule a sa tšhotsê komoki
Magorometšo a itlhomile o e abêla Batlhaping,
A sa gopole fa Motlharo ga a tšhwarwe
O bobabi jwa khwena le sepanisi.

Lentšwê ja ga Mothupi gatisa
O gatisê O tlosê batho boima ;
O gatisê O thusê batho-bantšho,
O ba thusê O ba tlhatlolê borale
Bana ba rona ba tla ba tshelê.

Seêma-fêla ka se ikemetse fêla—
Ngwana a ga Ma-Mosiane batho !
Le go šuta ga a ka a ba a šuta,
O tšhwana le mokala wa ga Tshakhong
Yare fa a êma a emele ruri.

Ke ntse ke botsa Thapêlô tlhôbôlô
Ke re, “Thapêlô tšwêê mpolêlêla
A rangwaanago o sa hula ka matini ?”
Aitse tlhôbôlô ya bujane selêgê
Bujane o hula jaaka go hula matini.

(Tikane.)

MABIFI

J. M. Lekgêthô

Mabifi o na a bolaya tau ba le babedi fêla le Mošutli.
E ne e le mokolopi yo o mabôgô a sa tshabe go losa tau
a le esi. O na a di bololêla jalo galê. Ke malôba lefatshe
le sa šennêleinô, le saila dibatana—tau le nkwê.

Motse o mogolo wa Gamotlhware o no o sale mmôgô
mo Kudumane. Khwiisi le Madibeng e ne e sale meraka
fêla.

Tšutisi o' Khibê le Mokômêlê
Yo e rileng tau di tšoma di le pedi,—
E le namane tse ditona tsa dikgarathla.
E nngwê e tšoma moraka kafa Dilepeng,
E nngwê e tšoma moraka kafa Segôjane ;
A di leta fêla di sena go tlhasêla ;
Erile boo sa a kaba tlhôbôlô
Mošutli le ênê a kaba ya gagwê.
Ba e latêla ba e tšhwara mo Segôjane.

Ka ke ne ke se gônê ga twe
Go ile ga tšhwarwa bothata!
Ka ke ne ke se gônê ga twe
Go ile ga rôbêga tlhôbôlô,
Tlhako sa motho sa leka go kgaoga
Hêmpê le ênê a ka a gagoga.
A ipepetsha a se ka a ba 'ikoma,
Ka e le Maila-go-kgôtlwa oorra Mokomêlê !
A kampana le tau a ba a e diga.

Ba gakgamala bo morwa Motlhôtshane
Ka e le lwa ntlha ba bôna tau e digwa ;
Ba sa itse fa di ntse di digwa gale.
Ga bua Mampe morwa Mosegedi—
Ngwana-a-rangwane ke yo o fa yo
A re, "Sika lwa ga Segwarê lo ntse fêla jalo,
Ba bitsa ditau makgêrêkgêtshane.
Ga ba bolo go di diga bo Sekhakhu,
Bo Mmenyane ba di digile thata."

Mabaakanyê yo o tirô dintlê
O ntshitse pôô le koloi mašori ;
Ra ipela rotlhe babômogolo
Ka re itse re tlaa ja diterapa.
Ka erile metse e tlaa nna mebedi,

A mangwê a ya go nna Khwiisi magae,
A tšwêla ntlê, mosimane wa moroba,
Kolwane ja mokatapitse, ja mošokare!
A baanya ka tlhôbôlô ya kgôtlhô,

O itsa ditau go tla go fologa,
Ga di tlhole di fologa Madibeng.
O di bolaya a tlhaola madumedi,
O di bolaya a rata go di fetsa.
Ka re, Tšututisi jaana khutlela ditokwa,
Ka re, khutlêla ditau O di feditse.
Aitse di ka fêla balala ba ka bopama
Ka yare dii ja ba tsee marapô
E lale e le jônê botshelô jwa bônê.

O letse a khidiwi a ke dipuô tsa batho,
Batho ba ba tlhôlang ba re gopotsê,
Ba ntse ba re re magatlapa.
Ana e le ruri re thibogêla Tšututisi
Bakgothu ke nyena ba masilo
Lo ka lala ebile lo itsile sentlê.
Lo utlwile rumô ja gagwê le lela,
Gatrok a lelêla boatleng!
Mosadi wa Morwa a ba 'thôba mosêmê.

Ga ke batle podi ngwana-a-rakgadi,
Podi ga se kgomo ga e tšwe bogadi ;
Nku le yônê nka e gana ka e kunya maina,
Mmaki wa yônê o tla a phophame fêla,
A retelelwé ke go baka maina a kgosi.
Kgomo nka e gana e le tshêtlhana
Ka bosêtlhana bo sêtlhafatsa mmele ;
Nka e tsaya e le tšhôana ka tšhwana le batho,
Kgotsa e le tlhabana ka tlhôla go tlhaba.

(Tikane.)

Nnosang o baketšwe go itšokalana le bothata jwa sekaka sa Kgalagadi moragô ga Renepese (1896). Banna ba le bantsi ba na ba bolola ba gopotsê kgomo mo Kgalagadi, mme botlhe fêla ba boy a senaga ba palêlwa ke sekaka fêla fa e se ênê. Erile a tlhaga a tla a boka fêla ka lethare. Banna ba ba boileng senaga ba kgôbêga marapô.

Nnosang, ka ntwa ya 1878 ya ga Galase, e rile a e utlwêla fêla e lebile Dithakong a tsêna mo tlung a tsaya phatšhwana ya matini a e sala moragô. Batho ba ile ba gana a hula ka yônê, ênê a re o gotetsa fêla :

Phenya-matlhalalê! yo e rile go tsêna
 Renepese a sena go bolaya, [lefaratlhatlha.
 A pêga tlhôgô a lolama naga.
 Makau a boy a Kolonkwaneng,
 Ga sala go binwa mmtero a seyô
 A tla a tlhaga ka namane tse dikhunou.

Erile fa di tlhagang gônê
 Re tshoga ka mmtero a šulafala,
 A tena ba ba ntseng ba mmina,
 Ba itšoketsa ka thêka tsa basadi.
 Ka bôna jaaka Segae a kôkôlôta
 A itumêla ka a tlaa ja morafolô.

Ka re, re baja-mašori re a kôkôlôta!
 A ga O bone jaaka re mo ôpêla diatla
 Re re a rolêlê mophatô wa gagwê.
 Nnosang, kgalemêla Isake le Morokê, ba êmê,
 Motho o busa ka losika lwa gagwê
 A buse ka losika lwa ga mmaagwê.

Ka re aba ntwa Phenya-matlhalalê,
O abê mephatô ya gago yotlhe.
Maganêna a lebê Bothetheletsa,
Masita-kgosi ônê a lebê Tšwaing.
Ntwa ga ea ne e pôta batho moragô
Ya bo e le gônê e emeng mašwê a magolo.

Ntwa e kile ya phomêga Sekgoeng,
Ya šokologa ya leba Dišoeng.
Yare ka mošô a e kakamêla,
Ga ya ga gana batho go tlhabana.
(Ya jafa wa ba utlwa, O se rialo
Ntwa ga e tlhokwe O tlaa tlhabana.)

O tlaa kolopa ka matini gantsi
Dikôtlôpô di be di koame,
Dikgata tsa batho le tšônê di koame.
Ga ke buisiwe ke go rapêlêla tšhôana
Lefa e le e khunwana nka e nêwa,
Kgotsa e tšhwaana ya kgomo tsa Tlhaping.
(Tikane.)

KEBIDITSWE *J. M. Lekgêthô*

Kebiditšwe e ne e le kgôsana ya motsana wa Gatlhose.
O kile a tšogêlwa ke dikgang batho ba mo rekisa ka go
mo rabêlêla mo go mokgethisí ba rata a ka kgaolwa
ditalama.

Monoketsi o kile a baka Kebiditšwe, a tšhoga Kebidi-
tšwe a mo tlhokomologa fêla, ka legalê e ne e le mothô
wa sedidimadi. Ke gônê o tlogang a laletsa Ditlhonkê
gore a mo thusê. Ditlhonkê a dumêla mme a bololêla
Kebiditšwe, a ntsha ka ganong a re :—

Phika-kgolo ya ntšwê ja Lofarwane,
Ya ntšwê ja Kwaeng le Dimoteng,
Phika-kgolo dumêla ke gorogile!
Ga kea tla, ke italetsa fêla,
Ke laleditšwe ke Monoketsi
A re ke mo thusê o losa tlou.

Nkhabe le ênê a mo dumêlêla
A re, tlou e losiwa ka marumô a le têne
Mme ke lerile rumô ja me go kolopa.
Ke losa tlou ya Makolonkwane,
Yoo Molete e tlhôla marumô,
E bolaetse ditsêbê maruding.

Barwa ba kile ba e tšhwara selêgê,
E kile ya kolotšwa ke Ikaêgê
A itlhoma a tlhabanêla sehuti.
A o gopola fa e ka ntsha sefatlhôgô,
Fa O ka nwa metse wa lala O tshêga,
O tshêga O itumêlêla Kgarebê ?

Ra-Lekhobo o ntse a mmolêla
A re, Batšweng fa lo kukunêla Kebiditšwe,
Lo tlaa tšwa mo go ênê lo kukuna.
Gaolebogwe le ênê ebile oa šupa,
A re ba utlwile Kgwathang a 'molêla
A ntse le Mokgweedi ba mo kakanya.

Ke sekwêrê wa kôkô ja ga Nakedi,
Wa kôkô ja ga Pita le Rapêlang.
Lwa bo lo re gakaletsa Kwatailê
Lo mo tšosa, Bodile o' Hôlélê !
Bogosi ga bo mo rone bo m'tšwanetse
Ga bo mo rone bo mo ja ditshenkô.

Bogosi jwa rona bo itekanetse,
Nna ke lemogile kwa Kudumane,
Ka dipôô di tlhabanêla motlhaka,
Ka madi a seyô go tlhaêla têne,
Ka mmôna sentlê a fenza Perekisi,
A ba a sitwa ke go bua Seburu.

Ka re Phika-kgolo a ko O kgalemê
O kgalemêle bo monnao fêla botlhe ;
O kgalemêle ba Takwi le Sewetse
O ômanyê Gafose le Makapê.
Motho o busa ka sika lwa gagwê,
A buse ka sika lwa ga mmaagwê.

Phika-kgolo phutha lekôkô ja gago,
O bitsê bo morwa Semausû
Ga ba bolo go nna ba kakologa.
Kgosieng ênê a thibê mogoloê
Diatla tsa me di lapile go tshwara
Ga ke bolo go nna ke mo feleka.

Pôô e mo sakeng joorra Hôlêlê
Ga e na dinaka, e tshajwa serota,
Semamau ebole o e thobile bosigo
A latlhêgêlwa ke tlhoro le selêpê.
Phefô e tswa Kapa ea tlhaba
E tsenye Semamau mo marapong.

Nare yo' Mastok yo' Kenki,
Nare yo' Mosesane yo' Gaekete !
E tloga e lo kgobotlêla setlou,
E lo tlhakanya le mbu le lorole.
E gabile matlhô go le botlhoko
E utlwa lo e umaketsa Perekisi.

Nkô tlotla ngwana a mogoloô,
Le Koogane le ênê a mo tlotlê.
Motho o tlotlwa ke borangwanaagwê,
Lo bone go tšhwanêla gosi jwa gagwê ;
Lo bone kgotla e nna modumô,
Motse le ônê o nna modumô.

Ana O ka rialo go ka siama,
Ka merafe e ka re bitsa re segô ;
E bôna re le lekôkô re mmopetse,
E bôna re le lekôkô re le kgolokgotha,
Dikala tšotlhe re mo setse morago ;
Ba Borotsi bo' ba mo kabêla tlhôbôlô.

Bagaeno ba ka bo ba go dumêla,
Ba kabô ba rata gosi jwa gago,
Nkabo ke kwalêla kwa Maamusê
Ke re ba ga Sei ba itlhaganêlê ;
Ke re ba Matlhôtshane ba akotshê,
Ba Matshapa ba tlhatlogê kwa Nokeng.

E tlê e le kôkô ja ga Kôtôkwê,
(Go salê fêla ja ga Maphagê)
Ba tlê go bôna ke kwala Mogokare,
Ke ntse ke kwalapetsa Mokaloba.
Ke go baya rwalô sa motse weno,
Ke go rwesa gouta mo letšogong.

Ntsha kgomo O e kaê ka mmala,
(Nka le gônê ke bolêla fêla)
Lorêkang o e kaile mmala maabane
A re, etšho nkgwê phifadu moroba.
A re e namagadi le yônê mogatêlô
Dipôô di tlaa dika di e palame.

O se nyatse namane Ra-Obusitse,
Lefa e le namane e ntshê fêla.
Ke utlwa fela sa yônê se siame,
Babogologolo ba e ntshitse mmuô
Ka ba rile, “Kgomo ga e hulelwé”
Ba bolêlêla ruri ga e ke e hulêlwa.

(Mmereki Ditlhonkê.)

NTWAENG

J. M. Lekgêthô

Ntwaeng ke ênê o na a agile fêla mo dikgannyeng kwa Gatlhose ka lobaka lwa go busa Kebiditšwe. Ba na ba agile fêla ba isanya kwa makgoeng le kgosi.

Mmereki o umaka Kgosi Mmusi yo o kileng a busa Boomothware kwa Kudumane, a re Ntwaeng o na a tlhabantsha mokgwa oo, a batla Mmusi a nyaolwa ka e ne e se Motlhware e le Morolong. A re motse fa o buswa ke babereki bomorafe bo a bo bo nyêlêla. O na a nyatsa banna ba kgotla ja Kudumane thata.

Monatlanatlê oorra Mokômêlê,
Tsetsepa e e tsetšweng ke Mautšwê!
O senatla O ntshetsa mašori,
Yo yare ke tlaa kgora thata
A bo a kile a ntsha mašori.

O ntshitse podi ngôgôla ka bela,
Ka bela fêla le ênê Gaofane,
Ka a itse fa tlaa ja a tenatenagêla ;
A time ba ba ntseng ba mo tima—
A time bo Ragale le bo Ma-Segopišô.

Tsamaya lo utlwisê Mokgautsi mafoko,
Lo utlwisê Tuêlô, Seimêlô le ênê a utlwê ;
Ere kwa Kagung le gônê lo šupê.
Nthotsêlê le ênê a utlwê le monnawê,
Lo tsênenê ka Kono lo mo kakanyetsê.

Legodimo le ka bo le na le tsela,
Kgotsa le pôsê e fitlha go jônê,
Nka bo ke le ntêêla mogala
Ke re Mateisi a lekê a akotshê,
Dikgang di tšogile mono Gatlhose.

O bitsa Makati a tla go itôka.
Tsetsepa o itôka mo Makgoeng !
A re Kapa a utlwê le Ennyelane,
Kong Kong a utlwê le Niberôsê
Fa Ra-Nkhabe a mo tlhakotsê haisi.

Ke utlwile a nyatsa Lekgêthô,
A nyatsa Pemê le monnawê.
A re lo neile Mmusi o a lo busa,
Aitse fa motse o busiwa ke babereki
Bomorafe jwa bo bo nyêlêla.

Ga a bolo go laletsa Malesiwê
A re go nyaolwê Mmusi mo gae,
Motse o néêlwê bana ba dikgosi,
O néêlwê Toto morwa Makgolokwê,
Go tlo go no go utlwiwa mafoko sentlê.

Mašolofetsa oorra Mokomêlê !
O ntse a šolofetsa babôtlana
Go re kgomo etšho e tlaa bônlala.
Aitse Ntwaeng O fa gare ga dikgang,
Bagaeno ba go kaya O sêkêlêmê.

Ke' utlwile a go kaya Senyatšwê,
Gaseidiwe o feta a ipaya phetisi ;
O go bolêla a ba a go foêga fêla
Mme ruri nna ke kgobegile marapô,
Ga ke tlhole ke le mokô o thata ke baka.

Kgopolô tsa me di mafôlalele.
Ntsha botlhano O nkalafé kgopolô,
Le fa e le bonê O bo n'nêê fêla,
Ke tle ke rêtê ka jônê ke godumê,
Ke itse fa ke bakêla go bapala.

Ana O ka rialo go ka siama !
O ka utlwa ke go biletsha khumô,
Ke re tseno di tsale di be di atê,
O gaisê Matšutšôrô le Maburu,
O gaisê le bônê tôta bo Mmêkê.

Nka rêka koloi ka kwaya dilô,
Ka rêka le pitse ka bitsa khumô.
Monatlanatlê wa lefatshe le dirwa !
O epile petshe re e nwa rotlhe,
Le ka šomô joorra Mafêlêlêlwa.

(Mmereki Ditlhônkê.)

SIANG MORE *J. M. Lekgêthô*

Erile Mmereki a baka Siang mogopolô wa gagwê
wa bo o gopotsê fêla ditiragalô tsa ntwa ya Majeng.
Se se gakgamatsang mo Maineng a ke temana ya bonê
e tshwana le ya boraro ya Maina a ga Moipolai mme
etšwa a sa bakwa ke motho a le mongwê fêla ao mabebi.

Ntšwê le borethe!
Ntšwê joorra Mere le borethe.
Barwa baa tshaba, baa boifa,
Botšwidi ba ba gônê ga ba kgotlwé.

Makgoa le ônê aa le tshaba,
Ke bonye ba le sisimoga malôba
Mogang bá latêla Batlhaping
Ka Galešewe a sena go ba hula.

Ba tlogile ba boêla Kudumane
Ba re Nare e gônê e a tlhabaka—
Tšatšabidi ya ga Ngoisana,
Ntšwê ja ga Tshabo le monnawê !

Ntšwê ja ga Masinyi O gatisê thata,
O gatisê O tlosê batho boima ;
O gatisê O thusê Baamothlware,
O ba thusê O ba tlhatlolê borale.

Ntwa e letse e abilwe bosigo,
Morwaotsile a se ka a e bôna.
Kgalemêla mophatô wa gago,
Mafenyakgosi à itlhaganêlê,

Morwa Gabotloge a tabogê thata,
Majatšupa a lo salê moragô.
Molobane a se ka a kukutha,
Wa ga Seme o letse a tsamaile.

Rôbanyane a salê a le tshimêga
A tla a salê a simêga Makgoa,
Le gônê a a simêgê a a bôna
A fetêla ntlheng ya Mošaweng.

Rôbanyane, rôba Lekgoa lengôlê,
O mo kgothulê fa malokololong
A tla a sitwê ke go palama pêrê ;
Aitse ke borumolang jwa bônê.

Ntwa erile e bolola kwa Kapa
Ya nna pele ga ikanisiwa mašôlê.
Mapolisi yare a ikana fa go Setori
Maburu a ikana fa go Paulo.

Ga twe erile fa makgatlha-thapong,
Fa dipôô di kgathlanêla tlhabanô,
Fa gare ga Gamogara le Sešweung
Maburu otlhe a latlha maikanô.

Ba tlogile ba boêla kwa go Paulo
Ba tshotsê mala a ntša mabogong.
Ba bolêla mafoko ba a gêla le morô,
Ba re Toto ga se Morwa ga 'kukunelwe.

Ke letse ke khidiêga go rôbala,
Ka se ka ka ba ka selapa sentlê.
Ke letse ke bonye borifi bosigo,
E le sekerebe Goromênê a se dirile.

A re Makhelebetla o m'jetse turupa,
O mo jetse bana le ka ditlogolo.
Go bonywe go digêlwa sedumedi
Sa ga Toto morwa Makgolokwe.

Ya jafa ba jewa, silo jwa bônê !
Goromênê o nyaditse batho bobe,
O nyaditse Maburu le ka Batšwana ;
Rona Maburu a re bitsa Makula.

Jêmê o jewa fêla a sa rekisiwe,
Go le goê o tshêlêlwa Batlhaping ;
O nowa ke Sampi le Gaoorwe,
Ke bonye ba hupalana diphafana.

Phiri o ja motho sekôm pa fêla
E re a fêla a goge yo mongwê.
Phokojê oa tshaba oa boifa,
Ka a bôna moriri-mošweu setlharing.

Lentšwê joorra More le borethe !
Ka O le selêpê sa matlhaku,
Re rêma ka wêna matlhaku
A a bayang kgotla yoorra Khidi.

(Mmereki Ditlhônkê.)

LEKGETHO

J. M. Lekgêthô

Erile Lekgêthô a ruta kwa Gatlhone a tšogelwa ke dikgang. Go no go tlhôlwa go ntšwe dikhudu-thamaga a laolwa. A bilediwe pitšong mme batho ba gagwê ba tlhole ba itšhôtlhaka diteme fêla. Tsatsi je lengwê a bidiwe a ngokologe. Kwa moragô ba ja kgakge fêla a sala a lebetšwe šônê fêla. O na a kile a ruta kwa Madibogo le kwa Gamopedi. O biditšwe "Phetudi" ka a na a ruta tšhomî. Mmereki erile a lemoga fa jaanong dikgang di kokobetse ka Phetudi a retetse a mo tšhwara a mo ro-thotha jaana :—

Phetodi a ditšhaba !
Ke go reetseng ka re Phetodi ?
Ke raya ka O ba fetotsê diteme,

O fetotsê Madibogô le Gamopedi malôba,
Ga Gatlhose O ba fetotsê mmere ;
Ditagafara di balwa le ke banyana.

Tsamaya lo bolêlêlê Mosakô mafoko,
Bo Setshirô ba utlwê le monnawê ;
Fa ga ke a tla Kudumane go mo êlêla.
Phetudi ga a bolo go nna a nkwalêla,
Ke a bo ke bilediwa go alafa
Ka ke le ngaka ya sedupe ke dupa batho.

Tsamaya lo utlwisê batho mafoko,
Lo utlwisê Tshakê lo mo toutêlê,
Lo utlwisê Ra-Tshabonyane sentlê.
Lo re ga ke tlhole ke alafa ke loilwe.
Ka Ntwaeng o ntoile loleme,
Ra-Athibeng o nnatlotsê madulô.

Batho ba kabô ba nkutlwa go bua
Nkabo ke rile ba ke ba ntirololê
Ka kgomo e tshwaana le e khunwana.
E nngwê ke e tlhabêlê go alafa,
Ke raya kwa sakeng le mo lwapeng,
Ke kgatshê mabêlê a lalê a tsetse.

Mme ke utlwile Thelešo a lo bolêla
A re lo duêla lo feta lo tlhaola ;
Lo ntshe lorêtšane lo bôna
A tlhabilwe ke phefô ya naledi ;
O utlwile go kakanya Mogolane.
Mme ntsha kgomo kgetsing O e nnêê.

Ga ke batle sepê ke batla pelesa,
Ke batla e e mogala Motšhwening ;
Dikgomo tsa kgetse ga di tlhakanelwe.

Ere ke êta ke be ke e belesitse,
Ke ntse ke rata go ya Kgalagadi,
Ke leba bo Tsabong le Maubêlô.

Phetudi, ka a le nala di thata—
Wa maoto a kgomo di bapalwa!
O thoilwe mono Gatlhose.
Phuthêgô tšotlhé di ile ntlanngwê.
Ba lekgotla ba ikisitse mmôgô,
Badumedi ba bua le Jennings.

Ba lekgotla ba bua le mokgethisi,
Ba re ntsha Nare gae ea re tlhaba ;
Monongwaga o tlaa balêlwa motho.
Phetudi o tlaa re nyatsisa Matebele,
Ere etšwa e le ngwana wa lekgotla
Re mmiditse a se ka a ba a araba.

Go kwaletšwe Ennyelane malôba
Go twe Kgosi Jôtshê a utlwê,
Go twe kôbaagwe le ênê a utlwé ;
Mme Phetudi ga a bonakô go tšhoga,
O iketlide fêla ga a re sepê Phetudi.
Letšhootšhoo ja rona Bahurutshe!

Ga O itse go rwalêla jang Kgosieng ?
Ka erile O rwalêla wa sêla-sêla.
O tseile Swai wa tsaya le Lešôbô,
Wa tsaya basadi ba Sebatleng,
Wa ba wa tsaya le morwa Johnson,
Wa tsaya fatsa lwa tladi wa lo ôra!

E ubêlê e butšwê Ra-Molete !
E tšoga matlhaga, tshipi ya Batlharo.
Tshipi ya ga Ma-Moruki borale !

Tshipi yo' Sethibang, yo' Keraetšwe.
Tshipi ya ga Ma-Lekgêthô batho!
E marapô a mitlwa boorra Tšotlhe.

Ngwanyana a e tlhapêlêlê a sa itse,
A e isetse letšôgônyana ka makgakga,
E mo tšhwarê e mo šwatolê leganô
A tšwê tata e se ngwana wa letsêlê.
Aitse tshipi eo e paletse Bareki,
E paletse Toto morwa Makgolokwe.

Ntsha kgomo O nkalafê ganong
Leme lwa me lo ngaparêla magalapa ;
Ke tlê ke ganetsê bakgadi ba gago.
Ba re O bakwa fêla O sa bolaya sepê,
Le morôrô ke go bakêla ditšhaba
Ke re O tumê kwa kgakala-kgakala.

Ka re Phetudi tuma le lefatshe jotlhe,
Tuma kwa Merika O tumê kwa Kapa.
Tuma le kwa goorra Lewanika,
O tumê le kwa goorra Letšholathêbê
O humê dikgomo O humê le batho,
Motse weno O tlapê modumô.

(Mmerekî Dîtlhônkê.)

SEIPOTLANE *J. M. Lekgêthô*

Seipôtlane o na a sa bolo go nwa tlhôbôlô ka bonyana
jwa gagwê, ebole e le mopalamî. Ekile yare go ilwe le-
tšholô ja ditau ka baka longwê, Seipotlane a dira diaba.
Ga tšoga tau di le pedi ka lobaka lo le longwê fêla.
Banna ba gana go bôna ba tlhanola dirêthê, ênê a sala

a itsetsepse. Erile a kgobola a di thauthaganya ka matini. Ke gônê fa o bonyeng Maina a manaana a gônê.

Erile ka lobaka lo ba Maubêlô ba bo ba sa je diwêlang mo ditaung ; ke gônê jaana Gomotsêgang a re re yê go ba tshologa mokgosi.

Perepetsha wa ga Ma-Mosegomî!
O tabogê thata O thusê ba Maubêlô.
O sale O tsalwa O le Tshukudu—
O le Nare ya sethusa-banna,
Ka erile O gola wa kaba tlhôbôlô.

O lo wa rêka pitse wa palama ;
Ga O ko' tlhôkwa mo motlhwtlhweng opê.
O nts'o bônalâ fa O tla ntsha mašori,
Fa O tlaa digêla benomogolo sešolo ;
Baa ja thamô tsa bomolekanêlê.

Ka O sale O tsenya manong lekete,
O a naya mipi lwa kgolomarêthê.
Ngwana wa ga Ma-Sebolêlô Nkwane !
Nkwê yo' pelo-e-thata orra Seametso,
Tsabo e e marapô a mitlwa, Tshukudu !

Perepetsha ga a ka a êfêla dibetšô,
Le tau e busa ga a ka a êfa ;
Le a kgalema ga a re, "Tshabang!"
O bitsa fêla babua-tokwa a re,
"Kgaratlha e šule, tlang lo e buê."

Kwena yo' Gabanangata le Seametšo !
Perepetsha o tlhagola maubêlô.
Balala ba tšoma fêla ba iketlile,
Dikgokong di rôbala di tšoga dikating ;
Ga go tlhole go bolawa sepê se bitšwa.

Phôlôgôlô ya ntšwê ja Maubêlô,
Phôlôgôlô yo' Pemê le Serêtsê!
E sale e tšoga e galafetse
E ntse e komolaka ditlharapa,
E rôbaka mafatlha le maologa.

Ngwana a ga Ma-Sebolêlô, Nkwê!
Ditau tsa gagwê o di kgweetsa fêla,
O di kgweetsa sebedi tapologong.
O di kgweetsa fêla ga di mo lome
O di kgweetsa fêla a re, "Tlee!"

(Gomotsêgang Pemê.)

MOKOMELE

J. M. Lekgêthô

Motšumi yo mongwê, yo o la a sa tshabe go tšwa a
le esi ke yo. Le ênê tau le nkwê o la a di tlhasêla fêla
a sa re ka mošô, go bonwe fêla a tsêna ka yônê gae.

Molobi a dibata!
O lobile tau bosigo
A lôba tau a e bolaya esi.

Kwa ga rona tau ga e ke e tla go bolwa,
Re tle re bone fêla e tla e belesitšwe ;
Go bolêlêlwa Ditshetelo le Ra-Sedikanô tokwa.

Tau tsa Mmuophêphê lo tshabê thata,
Lo tshabê thata lo lebê Digawaneng ;
Lo yê go êma mo thoteng ya Sesigo.

Aitse Mokômélê ke yo o gaketse,
Lo a bôna o lo gakaletse, Makgalê,
Tšukudu e e makgonya e gaketse.

(Phorê.)

BAREKI

J. M. Lekgêthô

Maina a ke a bobedi a ga Bareki. Mmolotsi o na kgatlhma ke Bareki a palame pitse a e rekile mo go Monare Moffat. A elets a ka mmôna a tshwere tlhôbôlô. Ka lobaka loo dithlôbôlô di ne di betlwa ke Rammedi (mogwê wa ga Moffat).

Bareki boy a fa gaufi O khutlê,
Kgosi e etsa leoto ja koloi.
Kgosi ga e namelwe jaaka Maamogwê,
Ga ya ne e faralêgêlwa lonao.

Bôna ngwanaago bo ke le Lekgoa,
Ka tswa Rammedi ka mmêtlêlêla ;
Ya bo e ne ne ke mmêtlêla tlhôbôlô,
Ka e lebanya le leina ja gagwê.

Tsetsepa ya ga nnakê wa mosadi !
Ke re a tla 'bolaê dipholôgôlô,
Le nna ke tle ke betle jaaka go betlwa,
Ga ke bolo go elets a mašetla.

Bareki o palama sekelekuma
Soo Mošwetê wa Lekgoa.
O sale a tsalwa ke Mantrêkê
Kgomô di utlwa go hula bojang.

Go kile ga nna thata bogologolo
Ka kgomo di ne di sa utlwe bojang.
O sale a tsalwa, ngwana a nnakê
Bokaloba jwa Bakgothu bo kae!

(Mmolotsi.)

RAKGEBE

J. M. Lekgêthô

Taukometsa oorra Mmenyane!
Se reng Taukometsa loa mo gakatsa,
Ka fa o fetang gônê goa tshabêga.

Felô fa go êmang tau ga go gake,
Go itsiwe ka diputlêla tsa marumô,
Go itsiwe ka dikôbê le ka dikgôtshane.

Nna ke mmoneye a kôkôbêla sebaka
Ka a gopotsê dikgomo a ya go di thiba,
Di gapilwe ke banna ba bahubidu.

(Tshaa.)

KAROLO YA BOBEDI

PHEFO

M. S. Kitchin

Lobopô lotlhe loa gakgamatsa. Sengwê le sengwê se na le botšwerere jwa šônê. Phefô e re etleelletsa pula, e tlhatlosa maru mo lewatleng, e tima mogote mo tsatsing je le lelang, e hudua ditlhgoripa(windmills) go re tlhatlo-setsa metse mo mpeng ya lefatshe.

Mo go gompiyeno mafoko a leriwa kgakala-kgakala ke phefô.

Phefô e nonofile thata, e ka diga ditlhare ya siisa mawatlê jaaka re tla lemoga. A re eng :

Nna O fokêlê pele fêla Tšubutli a borwa,
Ka O le thôbaka-ditlhare le thutla-mafika!
Lefa tshiamô le tshisimogô O di latolwa,
O tshengwa Segatlhamêla-masisi le seganka ;
Go twe O Ledimo mawatleng, dipoeng O khwata,
Ba raya ka O sita thaka e nngwê ka bonatla.

Yare O leyô lewatlê le be le sa iketla,
O gantsha makala go itsetsepêla, Thubaki!
O agolola mafika a dithaba, Pheritlhî.
Melelwanyane ya merapalala-tseleng dinyana,
Ga O ko O êtwa pele motsing o O gaketse.
Bathati le dirôjana ga O farologanye.

O tlhotsê O lotlhantsê ba tumêlô le poifô,
Wa ba tlalatlatsa ka O ba tlhokisa boêmô.
Ba rile ba bôna O tshamekisa dintêlô
Ba itšholofêla go tšoga tlhatshe ga bobipô ;
Ba tlogile ba tlhagêla Mogolo le borôkô
A na a sa phomotsê tennyanateng ga mokôrô.

Ka O le tsêbê-ntlha-go-utlwa, Morongwa-a-fitlha!
Wa ila go utlwa ntšwe ja gagwê a kgalema ;
Wa di inêla tsa kôlôba, ga ba ga nyamalala.
Ba salêla go sala ba go sêba,—magatlapa!
Wêna O setse O pholaganya felô go se fa.
Poifô a nyêlêla, tumêlô a ritibala!

Ga go malêbê o sa tlhôlang a tlhôka mafoko,
O gônê T'shubutli, o a phutha ka bofeko.
O natlotsê bo Mogala le bo Pampiri mannô,
Batsaapôsê gongwê ba tloga ba tlhôka tirô.
O garatlhantsê gotlhe orra Maotoabonakô!
Ka o nala di thata, Morongwa-a-fitlha a difefô.

MAHUMA-PELO A GA PHOKOJE

M. S. Kitchin

Diphôlôgôlô di kabô di na le thata ya go bua, phokojê
o kabô a ngôngôrêga go gaisa tse dingwê tshotlhe, dibatana.
Lefa e le sesinyi ga a ipone o lebile fêla jaaka a dirwa.
Phokojê o bolawa ke mmala wa gagwê o monkgwê.
Ênê le diphôlôgôlô di tswalêlwa go bolawa, lwa gagwê
lošo lo buletšwe. Ditlhamane go monate fêla tse di
bolêlwang kaga gagwê. Ga a itumele, ke yo o ntsha
ka kôpa-a-molomo :—

Ruri legodimo le kabô le na le mogala
Nkabô ke lôtlégêla Mmopi, ke re a utlwê,
A thusê, a kgalemêlê motho rea nyêlêla,
Re nyelediwa ke motho le ntša ya gagwê.

Ga ke bewe sebete, Monkgwê wa diphôlôgôlô !
Lefa go dutšweng gônê go dutšwe fêla ka nna—
Monkgwê wa dibatana ! Ke ntshitšwe lušô-logolo
Ga twe le ke le bathung mokgwa ke gana ka ônê.

Jalo bana ba batho ba mekgwa mme e ngokologilwe,
Wa me ônê fa o gopotšwê ke tlhôla-e-eme ;
Ga e ke e re go umakwa o didimalelwe,
Ba re sa me ga se bolôtsana ke ntlo-lo-bônê.

Ga nke ke tšwa ke sêla-sêla tsatsi le tlhabile,
Ke itala go lala ke kaila go sa robetšwe,
Ke apere lefifi maeba a sa sedile,
Ke sikologa badipa—mothro le ntša ya gagwê.

Jalo tlhê! motho ga ke mo je, ga ke mo re sepê,
O ilwa phifadu fêla ke bo Tau, digagodi!
Ke bônê fêla le ênê ba sa isanyeng gopê,
Ka e le ditšhwantšhwang bolalomeng bo'babedi.

Yo ke sa itseng gore ênê a ša a ogolang
Ke Ntša ya gae ; fa a tloga a nkêla motlhaje
Le losika lwa setho, sika tôta lo lo nkilang,
Etšwa sika loorra Ntšê e ntse ke loorra Phokojê.

Nkabo ke na le gônê ka ipuêlêla bathung
Ka re, "A e ke e nê modiga bana ba batho ;
A Phokojê le ênê a letlwê a jê ditšwa-mbung
A nônê, a ba a atê a etsê sika lwa setho."

TAU-TSHIKELELA YA DIKGWA

M.S. Kitchin

Mokgwa wa tau o itsege sentlê. Batho ba le bantsi ba ba sa itseng tau, ba e utlwâlêla fêla, mogang o ba e bônang ga ba kitla ba akabala. Ga go na opê yo o tlaa e ba bolêlêlang ba tlaa e itse ka bonakô. Mme bosigo joo jwa ntlha bo tlaa nna kana ka masigo a le šomê a tšhwraganye. Go tšhwana le ba sa e bôna ka matlhô, ba e utlwa masa a sa tla a rwele -"tokwa".

Tau, mogaka phôlôgôlô ya makgaola-kgang !
Ga se diangwa, e bololwa go builwe pele
Ga rerisanngwa. Ga ithaotšwa ke bomangmang,
Ke diganka tse di ituleng pedung gotlhelele.

Magatlapa ere go utlwa fêla e gopotšwê,
A leke go ngwêga, a ngosele ka monokêla ;
A tsenwe ke serame tsatsi le ntse le gotetse,
Ba itoke botlhoko, bo ba tsenye ka mmetêla.

Selalomê ! ga e umakwe go dutšwe mo išô,
E ka nna ya umakwa ke ba' sa e itseng mokgwa
Ba-e-itse ba tsênwa ke botlhoko ka tšhoganetšo
Motsing o e ya go losiwa, Tshikélêla ya dikgwa !

Go tšhwana le a lebetšwe a gaola, Modipa !
Mamunô le dimpu go lalwe go sa êtêlwa.
Bontsi bo we, bo digwa ke setšhane le lephula.
Mamunô a sikologwe a tshajwe go akêlwa.

Mme gônê fa a ka thobetsa kodu, Modipa !
Ba masima bo ba sa batle le go ipepetsha ;
Ba utlwa jaakâ a reketlisa lefatshe, Moeka,
Ere a le tengteng ba mme' mo kgorong tsa matsatsa.

Tlhôka-dipotšô wa dibatana le wa bagale !
A fitlhêlê lethape ja phôlôgôlô le iname
Go lela leinô, kobô e thanthshitšwe segôlê,
Mala a nku a ba 'ile ka bogamô, go siame.

Fa gônê a ka phunya dikgwa le metlhaba, Tokwa !
Melatšwana le dimpu a ralalêla lefêla,
A pôta naga kafa le kafa mme ga tlhonama,
Le legae ga a tshabe go ka le êtêla.

NGAKE (Dr. Livingstone)

M. S. Kitchin

Mo baruting ba bašweu ba ntlha ba ba tsileng mo lefatshing jeno Ngakê (Livingstone) ekete o fa godimo ga bônê botlhe mo megopolong ya rona. Erile a re oa re intshetsa ruri a se ka a ba a feta a salêla. Re ntse naê ka malatsi otlhe, re sepetsê naê, ra tlhakanêla naê. Fa ênê a na a re o itse motho yo montšho e le ruri ênê o na a mo itse.

Bokgôba jo bo no bo le gônê a bo tlhabantsha ka nonofô yotlhe. O na a lekanywe ke Maina a a gaisang a. Mme go ka tweng! "Phuduhudu e anyisa ka jônê le ntse le le lennye!"

Ka e le Phara-metlhaba le dikgwa wa boreaitse!
Erile a bôna banna ba ntse ba ikgogona,
Ka botumutumu jwa fatshe jeno bo faraletse ;
Lefifi ja gônê le jônê le sa tsene monwana
A gana go utlwa, Maila-lo-thanya, a lala' bolotsê.

A ya a tsêna Kudumane ba mo nna tsebeng,
Ba feta ba mo toutêla thata ; a utlwalela
Fa motho a boga dibothhoko kwa tennyanateng ;
Ka a fetotšwê pelesa ya nkô le ya mogala,
Lefa e le go garama a ba a wêla tseleng.

A phunyaka dikgwa le tsa badimo-baja-batho,
A ya a ungwa go' Moselekatse a Matshôbana ;
Tebele a rêpa a ba' lešolola dibolaô,
Go tsenye Makgwiva-a-meditšwe a dibatana,
Ngwana a khiba ya Maja-tlhapi le maiô !

A phunyaka mafatshe ka lonao, Tšhukudu !
Ere go nyêlêla Kolobeng le Madikwe
A utlwelwe a lebanye le lephôthôphôthô
Ja Musi-wa-thunya. Fêlo ga marata a lejwa,
Fêlô ga bontlê jwa makgatlha-badimo le motho !

Makgwiwa-a-meditšwe a diphôlôgôlô!
Tsa gagautla tsa digagodi tsa itlh.ôbôga.
A iketla a upa ka mosidi le tlhôbôlô,
Morwa a ya le lotlhôkwa a ba' papathêga,
Dilalomê tsa tlhala go fologa mamunô.

O na a sa re a ikaletse a fetoge,
O tlhotsê ba ga gabô a tlhôla le Mamerika.
Ba rile ba leka go mo kgôna go menoga
A lala a padile go kgomorololwa Afrika,
A palêla ruri ruri bo ba tla ba tlhôbôga.

Lala fêla O robalê golô O gônê Ngaka,
Mošwêla-ga-gabô o tšhwana le mošwêla-nageng ;
Le morobela ga go thubege wa lentšwê fêla.
K'wêna Maila-lo-thanya a bo Fika-je-le-tshelang !
Nkwê-thôbêla a Majatlhari otlhe a moseja.

GO NWELA GA MENDI

M. S. Kitchin

Erile mo gare ga ntwa ya Jeremane, ka kgwedi ya Tlhakole e tlhôla malatsi a le mašome mabedi le motšô, ka ngwaga wa 1917, ga wêla sekêpê gatwe Mendi. Se ne se kgabaganya se tšwa Ennyelane se gopotse Fora. Se laetse mašolê a mantšho a gopotsê Fora, go ya go thusa gônê. Mme mo bosigong joo, mo lefifing sa thulana le se sengwê se se golwane, sa thubêga. Banna ba ba ne ba le mo teng ba jewa fêla ke ditlhapi ka bontsi. Ba inêêla lošo ba sa rokgonyege.

Re ba gopola ka ngwaga le ngwaga ka kgwedi yônê e.

A ga yare mokgosi o dule moseja ole,
Go le thata, tau tse ditona di lotlhaganye ;
Go le thata ya lentšwê, ka banna ba sa rôbale,

Go bofile, ka ditlhaka di tshelepaganye,
Ga bolola mophatô wa Mautlwakgosi mono.

Koloi ya metse, Mendi, e sale e hulara
E paoganya ka bônê mawatlê a magolo ;
E phekile malatsi, ba gopotsê ntlheng ya Fora
(Le ênê Fora o buiwang ga ba mmôna ka matlhô)
Golô ba go ileng go itse tlhapi tsa madiba.

He bagaetsho ! lalang ka nthô madi a tshologa,
Le pelo di gamuketse botlhoko di tlaa fôla.
Ba ile barwa-rra-rona, ga ba na go menoga,
Ba jelwê ke tau e sa sisimogeng motho mmala,
Ba meditšwe ke metse a se nang pelotlhomogi.

Go no go sa bolola legatlapa lepê nabô,
Go no go ile bomorwa-lošo-lo-dirwang fêla—
Banna ba tšwang mogang thamô ya phala e hubitsê,
Banna ba tšhwantshitseng bolalomê le dibatana,
Thaka tse dikgolo tse di pelo di ritibetseng.

Fa mongwê a na a ba tlhasêlêla lonyatšong
A re ke bodišašê ba ka mo tshoga seêmô,
O na a tlaa thanya fêla lomapô lo le tsebeng.
Mme fa le ênê gongwê e le mosimane wa pholo,
Bogolo go no go ka ša logong ga sala môlôra.

Mephatô e boile, bônê ba sa tlhôkafala,
Re saletse go oketsa diphatla ka diatla fêla.
Bana ba Mautlwakgosi ba setse masiêla,
Le magae a bônê a fetogile matlôtla,
Masalêla a bônê a tlaa tšwa mpeng tsa ditlhapi.

Go no go sa bolola opê yo boboi le bônê,
Go no go ile banna ba ba sa tshabeng lošo :
Banna ba ba tšwang mogang go le thata,
Banna ba ba na ba tšhwana le dibatana ka bogale,
Thaka tse di ne di sa tlalelwa-tlalelwe fêla.

MADUBADUBE A 1939

M. S. Kitchin

Ntwa e kgolo e simologile ka 1939 ya fêla ka 1945. Erile e simologa Jeremane a tlhosetsa magae a le mantsi molelô. A dira tshenyô e kgolo thata le ka go thuba matlo. Fa e tla go fêla banna ba mo gopodisa kwa moragô ya ne ekete ga se ênê. Ba ya go e feletsa kwa e duleng gônê kwa motsing wa Bereline. Ga sala Japane kwa Botlhabatsatsi, le ênê a sala ka lobakanyana. Legale le ênê o na a tla a tshosiwa gangwê fêla. A re utlwê jaaka go simologile re be re utlwê le mafetšo a 1945 :

Le epile ja ba ja tlhakana moseja ole
 Ga twe go thata, kgomo e tsentsê tlhako kgamelong
 Thamô ya phala khibidu ; ga twe go dubegile,
 Goa faratlhatlhanngwa, ga go jewe di wêlang.

Bomma-bana ba lela mo go botlhokotlhoko,
 Ba gadima tlhatshe bo ba gadima godimo.
 Ga twe goa boitshêga ga go itsiwe borôkô,
 Go lala go khidiya sefakô sa marumô.

Bontsintsi ga bo na kwa bo latsang tlhôgô gône,
 Ba fetogile bakgarakgatshegi ba bofêlô.
 Go itatšwa kgabo ya molelô mo magabônê,
 E ja e be e metsa motshegare le bosigo.

Thaka ya makau e tlogetse magae le metse,
 E ineetse go lala godimo ga dithaba.
 Ga se bothatanyana, gompijeno go šulafetse,
 Go tšhwana fêla gare ga mawatlê le metlhaba.

Ga twe monongwaga phatšhwana ga e thusé sepê,
 Go busa dinônyane tsa loapi, difofane ;
 Mo metsing gône go fete go iphetlhe sekêpê
 Sa seka-kadimêlêla, sekêpê sa sesapi.

E ya gompijeno ga se e tlhôlang e bolêlwa.
Gompijeno go thulanye botlhale le jo bongwê,
Ka go rakanye bônê tôtâ bana ba go tsalwa
Ga ba ga lebagana ditšhwantšhwang le tse dingwê.

MAKGOLA-KGANG A 1945

M. S. Kitchin

Merafe e mesêtlha digatlhamêla-masisi !
Ba latile tau ya setlhôla-banna mongobong,
Ba e tshwara ba e rothothaka jaaka motshitshi ;
Go e rialo bo ba e gopotsa dilaong.

Bošweu jwa ga Setori jwa gana go lemoga
Ka ke maila-go-gaiwa. Ga tsênêla se mphete ;
Merika le ênê a lala a ile go gôrôga,
Ba e rakanêla ba tshwana ba sa e bee sebete.

Ka e ne' batlide go ja Eropa e mo wetsa,
E ne' kgwile e meditse, ya batla go retela ;
Le bônê ba šupa tshêtla, ba gana go e lesa
Ba gopotsê e ka šeboga mme ya ba tlhasêla.

Erile e tla e lebile kgôrô tsa dirubi,
Ba e setse moragô ba Raša ba makawana,
Ya isa kôtsêla ka go gasagasa dibibi ;
E lwa e lwêla go dibêla motse le ditawana.

Erile banna ba sa ntse ba tla ba tlhabeletse,
Mongwê le mongwê a sa ya go tsenya letlhabêla ;
E ikanêlwa thata go ya go tshwarwa ka moêtsê
Ba tshoga go tšwa mokgosi o e ba latolêla.

Baa ja kgakge, ba sala ba itshikile diganô,
Ba salêla go botsanya bo ba utlwile sentlê
(Ka legalê pedi fêla ga di utlwle gongwê).
Ba tshoga le tlhômana e be e nna jônê jotlhe.

Fa ba sa tlhwaile tsêbê sentlê kwa Jeremane
Ba utlwa kwa Etali go twe mogwang o ile borwa.
Ya ba ya ne ekete ba tlhabêlwa ditlhamane
Fa go twe, "Benito o omile nkô oa latolwa."

O tshabê ko Japane, sea go bokabokêla!
Lo rile go tshetsha ntwa lwa ikgôtlêla magwata,
Lwaa ga magala a mahibidu lwa a itshêla.
Tšoma o tshabê di se di babane ka magwata.

KGOSI ROBANYANE TOTO II

M. S. Kitchin

Bogosi jwa Gamotlhware bo no jwa tsêwa ke Goromente moragô ga ntwa ya Majeng (1897). Ba bo busedi-tšwe ka 1945, ka go tlhôma Kgosi Rôbanyane.

Erile mo letsatsing jeo ja a pêgwa mo setulong, ga bo go no go baakantswê gore o tlaa bakwa ke Kitchin, mme ba bangwê ba gana ba re Kitchin ga se Motlhware. Jalo ga batlwa Motlhware go twe Motshwarakgôlê. Ènê a ya a baka kgosi ka Maina a ga Totwe, rraagwê mogolo.

A a na a tlhôma kgosi ka Kitchin ke a. (A ga kgosi Toto le ônê a gônê mo kgaolong ya ntlha).

A ko lo ntshê ditsêbê lo nkutlwisê, Batshwening!
Ntshang ditsêbê lo nkutlwisê sentlê-ntlê.
Ke utlwa mathaithai, ke utlwa metlhôlô ;
Ga twe le rona re tlaa tshwana le batho,
Le merafe e' ntse e re nyaditse e re tshêga.

Goromêntê O dirile, wa dira maatlametlo,
Ke fa O rudisa marope a bogologolo,
O epolotsê marapô a bašwi re bua nabô.
O biditse Toto morwa Makgolokwe kwa Kapa,
Wa bitsa Rôbanyane, Baamotlhware ba mmôgô.

Taboga lo itsise ba Tšoê Maubêlô mafoko,
Lo tsênenê ka ba molapô wa Matlhware ba utlwê ;
E re kwa Disaneng gônê lo isê taetšo,
Bana ba dikgôrô ba lalê ba utlwile botlhe,
Ba itlhaganêlê ba tlê go bôna dikgakgamatsô,

Merafe e' ntse e re nyatsa lo e bolêlêlê,
Lo bolêlêlê Lebolokê lo bo mo toutêlê.
A utlwê fa re sa tlhole re le mafalalele ;
Ka a re latotsê batho a ba' bo tlhôkafatsa,
A re re putlêlwa fêla kgorong tsa mabentlele.

Lo re re tlhomile otwana ja gare go siame !
Dikhutsana di tlaa lekanwa ke megotšana
Bafaladi le bônê ba bonye bogôrôgêlô
Ka ba tlaa kwaya setlhare sa motlhware moruti
E be e re le letsatsi le ba bone fêla.

Ke nnete ruri Goromêntê mothusi a batho.
Gônê tlhê ! O bo O lebetse kgang ele ya Majeng,
Kgang ele ya malôba di gangwa di sa tlhapêlwa
Ka Nôga ya tlhware e ipeile dimelemethé,
E itogagantsê thitong tsa matlhaletšhogwane.

Ba feta ba re ba e gataka jaaka ba tlwaetse
Ba re ba e kgwisa Ngwana-a-bolêlê jwa tlhapi,
Ya lala e šupile tshêtlha, Tlhware ya' Makgolokwe !
Ya ba tshwara ya ba baya dibothwana bothwana.
Motho a sia ka leoto le le lengwê fêla.

Kgosi O tlo' buê le bana ba gago ba utlwê,
(Ke a ba itse ba ratile go tlontlolola bobe)
O re ba lesê merafe e sele e nnê mo gae
O tlo' busê ka bônê O bônê O tuma golê,
Motho o busa ka babô a buse ka ditshaba.

Ngwana a ga Makhelebetla a ga Mma-Seametšo!
O tlaa tlhomola ditlhogoripa tse di mo gae
A ba a tlose le yônê merapalala-tseleng.
Ke a mmôna ke Tsetsepa ya lefatshe le dirwa
Ke Nkwê-thôbêla wa ga Molobane le Mokgothu.

PULA

M. S. Kitchin

Pula ke sengwê sa lobopô se se tirô dintlê, ebile se tirô di mašwê. Rona batho, le diphôlôgôlô re tshela ka pula; ditlhare le tshotlhe tse di bônalang di gônê ka longôla lwa yônê.

Tshenyô ya yônê ke tladi le sefakô le merwalêla e e kgobolang lefatshe.

I

Go tsile kgomo tshwaana—tshammêla ja mawatlê!
Ya bo e sale e utlwala e sale kgakala :
Ka e botšwê malôba ke kgwedi e ntsha e palama,
Ya utlwalelwâ maabane ka phefô ya borwa.

Erike e okama ya bebentsha dikgadima
Magatlapa a titi-tita, a tshaba go šêba :
Ya pepedumisa kodu ba tsênwa ke ditlababa,
Difohu le tshonê tsa ba tsa leka go ka phaphama.

Erile mogang e tlhôma ditlhako ga ntšhofala,
Letsatsi ja ba ja khutla go tlhôla le phatshima :
Le bôna jaaka e di digaka mabatabata,
Badipa le bônê ba tšhwanêlwa ke go e šutêla.

Ka ponyô patlêlô tsa ba tsa nna bobidibidi,
Dinoka le tšônê tsa ba tsa nna lobadibadi.
Fa godimo gônê go tlêtlérêgana ditladî,
Merwalêla e thapathapa go phunya metšwedi.

II

E kgauditse ya godimo, go boitumêlô,
Go dule megolokwane ya gwagwa tsa molapô ;
Le nônyane tsa ditšwatšwa di ntshitse kopêlô,
Di baka yônê pula, tlhôla-tlôtlô wa lobopô.

Megoma e tšoga e tšwa tsema le rebotšwê,
Go tšoga go le se mphete, 'itsemê bo lesitšwe ;
Ba dikaka ba tlaa dika ba meletšwe ke kgêngwê
Mmopamô le lenyôra di tlaa dika di lebetšwe.

Majatlhaga a tlaa iphêfêra bobôa jwa molala,
Ditlhatshana tsa naga di tlaa tloga di kukunya,
Di ntsha mahupêla go apesa lefatshe botala ;
Ditšeše tšônê di tlaa kgaba ka mebalabala.

Ga go opê yo' sa e ipoleleng bomolemô,
Ka hularong sa yônê dilô tšotlhe di bonôlô :
Fa e ngabile fatshe le fêlélwa ke botshelô
E re e nelê le sale le tletse letlôtlô.

BOBABA JWA MADI

M. S. Kitchin

Eriile malôba motho-montšho a bo a lebile kgomo le tshimo bogolo go itshidisa. Madi e se sepê mo go ênê. A ba a re a a tlhobosa a re, "Ga a na lešope". Gompijeno ko ônê botho. Ga go motho mo gae—banna ka basadi. Makaišane a tlhodilwe ke go sale go bololélwa tšhagopa. Dipolaanô tsa ônê di gaisa tsa go gatšwa dikgomo.

Bo morwa mangmang ba gasame le lefatshe ba re "šuping ga go boelwe". Mongwê le mongwê o ipôna fêla fa o gônê.

E sale tshêlô ya selefera e dikologa
Le mekoti e megolo ya gauta e bulêga,
Metse e megolo e thubagana ka magare ;
Go bololélwa Tlholtlhobologanya-baleleki,
Go tšongwa papetlana ya Makgoa—Ledi.

E bololetšwe ke banna, basadi ba sa sale,
Ya ba gôgêla kobô, ka ga e tsale letlhale :
Bangwê ba fitlhêlwa ba wetse motlhaleng wa yônê,
E ba beile tlhôgô, tshitšwana ya batšwa-metsing ;
Ba bangwê le kwa ba gônê ga go opê o itseng.

Papetlana eo ga e tšhwarwe e kakatlêlwa
Ka e le borethe, e tlhotse le dingangatlêla.
Ke moeti yo o potlakang ga e na lobaka ;
Yare go lala e tsenye diatleng e fetelele,
E sale e gopolwa mašogotlhô yônê e ile.

Totlhanya-ditšhaba, ka a leka banna dipelo
Ba tlogêla khumô ya borrê ya bogologolo ;
Ba re papadi e' tlhathlêlwang ke ya ga Senyêlê.
Mohumi wa boša o bapalêla tsabô nokeng,
A di tlhakanye le morôlê, kgomo tsa batšwa-metsing.

Yare motho go ratana le madi a ngaloge,
Ka le moitshepi tôta ga a mo sisimoge.
Ko ônê a rutileng Judas go ôka Morêna,
A mo apaapa pelo a lala a sa rôbala
A thanya kgabo ya mbu e tshwere magakgala.

Batšumi ba madi tôta ba a lélékêla tlung,
Ba re fa a epetšwe ga a ke a thubêla mbung ;
Le gônê ba re fa a tšongwa a se khukhelwe,
Ka ekare gongwê a a ja motho tlhaloganyô
A itharabologêlwa go le bogologolo.

NKWE—TILODI YA MAGAGA

M. S. Kitchin

Makgoa mangwê a ntlha go tla Aferika a fositse ka go bitsa nkŵê ba re ke 'tiger'. 'Tiger' ke sebata se sele, se se nnag mo India. E tona mo nkweng, e bile e bogale thata. Mo popegong dia tshwana, le galê yônê ya India ga e na ditsiba tse dintšho jaaka nkŵê, e na le methaladi e mentšho e e tshwanang le ônê a pitse ya lenaga.

Nkwê ya Aferika e re e itseng, ka Sekgoa e bidiwa 'leopard'. Letlalô la yônê le lentlê go feta matlalô otlhe. Ke sebatana se se bogale, se se bolôtsana, se borethe jwa tshilô mo mokgweng. Maina a gagwê ka osi a a šupa.

Tilodi ya magaga, legagaripa ja dikgwa!
Maila-go-lejwa, o bônwa a lejwa ka losi.
Mmala o ka tlhôla o le makgasa o a ratwa
Ka ke kapesa-barêna, batana sa bogosi.

Ênê, ka ke ênê "mpônang-fêla" wa dibatana,
Ga a na a bônwa a kakêlwa-kakêlwa fêla ;

Yo' mo losang o ipitsa pele a ikarabe
Aitse ga a tshabe monna go nna magokagoka.

O paletse botau ba ba matlolô a mašwê,
Fa ba rakanêlang gônê le bojang ga bo mele.
Go sita kang le tlou tôta a sa e kakobe,
A sa e sisimogele go nna mabelebele.

Ke ênê a le esi, nkwê, o se nang botshabêlô,
Tlhora tsa ditlhare le fa fatshe go tšhwana fêla ;
Go re o tshabêlwa metsing ke tsapa je legolo,
Metse o a sapa jaaka o tsaletšwe go ônê.

O tšhotsê go fofa ga nônyane a go ipêela,
Ka o ka tlhatlologanya lešomô ja balosi,
A ba tšhuba ka dinala baa ba gakgamala ;
Ba tlhapa ka bohibidu ênê a etse ruri.

Ke lenonobi, fa o gônê ga a ke a kgwasa,
O utlwala a le gare ga go šwa le go tshela ;
O ntsha loratla mogâng a tidisanya le dintša,
A be a kgaratlhe a beilwe tlhôgô, modipa.

Phô'gôlô di mo tshaba di mo tshabêla borethe,
O ka tšhwantshanya mmala le setlhare o go šônê,
Yare mongwê a mmôna gongwê a tšha jaaka metse
A tla go fitlhêla tlhare se ntse se se na sepê.

Ke motsamaya-esi, ka ga a batle modumô—
Ênê moja-o-ôta gare ga diphôlôgôlô.
O ba a ntse a le motêkgê le go le mokgorô,
Nkwê, legadika ja sika loo phagê lo logolo.

NALEDI YA MARIGA—MMANAKA
M. S. Kitchin

Mmanaka gongwê Ngangolo o tlhaba kwa borwa ka kgwedi ya Motsheganong e le fa gare. Ke yônê naledi e tshubang dipeo, ditlhare le tshotlhe tse ditala.

Fa motsing o tswa goa hutsafatsa. Serame se be se le se se botlhoko. Phefô e tlhaba marapô.

Tumô kgolo kwa borwa, tumô ya kgosi Mmanaka,
Kgôsana ya mariga e palame ka boganka ;
E itôkwa thata ke thakana ya makawana,
Ga ba e rate ka e pitlêlêla dirathana.

E sale e tla tlhare di letšwe ke bohutsana,
Batho ba yônê ba re, le nkô ga e tswé mamma ;
(Ga se lekama, ba raya e thepologa metse)
Ebile le peolwane tsa loapi di nyeletse.

Masitlaoka a itlhawatlhwaeeditse pele,
A leka le kgwedi ya Moranang e se' tle ;
A 'utlwa tumedi ya gagwê e thiba ditsêbê,
A potlaka ditlhôkwa, a tshebêla le mabêbe.

Go tlaa phologa phôlôgôtšwana tse di boboa,
Tse di logwete tshônê di tlaa phela ka matsatsa ;
Di tlaa falola ka go thôthômêgêla le mbu,
Thaka tsa bo molelemedi, bokgopa-ka-mpatshweu.

Bodithaba ba godile ka tlhôgô tse ditshweu,
Ka ga ba na kwa ba yang, thaka tseo tsa dimumu ;
A tsenye mariga, mareremisa dimalôlô,
Tshégô sele sa selemô gompijeno selelô.

ANDROCLES OA BOLELA

M. S. Kitchin

Polêlô e ya ga Androcles e itsege thata, e bolêlwa mo lokwalong lwa Padiô ya Bobedi, tsêbê ya bo 7. Erile tau e sena go boboragana fa naung tsa gagwê jaaka ntša e bonye mung 'a yônê, batho ba gakgamala, ga bodiwa Androcles gore a bolêlê gore fa tau e sa mo tâshware ya mo thauthaganya jaana, ke go reng. Ke gônê o tlogileng a thantholola a re :

Malôba jaale, mung akê a mpheleditse pelo,
Le ka matlhô a sa tlhole a rata go ntebêla,
Go tshogile lešukašuka, ke sa itse borôkô
Ka ya ka senka kgôrô ya botshô, sekgweng ka tsêna.

Ka borôkô jwa lephula e le mmaba wa bofêlô,
Jwa mphitlhedisa mung 'a logaga, Tokwa ya dikgwa.
Ka kubulwa ke go kgaratlha ga gagwê fa mojakô ;
Tlhale tsa mphêlêla morutsheng, ka tseana fêla.

Ka falola fêla ka bobî jwa segokgo tôta,
Ka phologa ka thata ya Modimo le ya mutlwa ;
O e thothomegetse letshoo e sa nanabêla ;
Ya ba ya lala ka lenyôra gare ga bodiba.

Boitumêlô senatla, bo tima baba bogale,
Ba ipone ba tlhakanetse ntlo etšwa ba ilana ;
Batana se tsalane le motho ba sa itsanye,
Ba ntshanye se se mo inong, go se na bolôtsana.

Ka ke ne ke e alafile letshoo, ya itumêla,
Ya simolola go babalêla botshelô jwa me ;
Mofama wa phôlôgôlô re o kgaogana sebêba,
Mokgwa ole wa bogagapa e bile e o lebetse.

Tokwa e ya dikgwa e, ga e gagolake fêla,
E itse go tsêka dijammôgô, Tshêtłha ya marota ;
E phala le bana ba batho, Phôögôlô e tshêtłha,
E nthekegetse fêla le ke ntse ke le molala.

LORATO LWA GA SAMSON

M. S. Kitchin

Mo lokwalong Iwa Baatlhodi mo kgaolong ya lônê
ya 16, go tlaa fitlhêlwa polêlô e ya ga Samson.

Se segolo mo polelong e ke go re e rile Samson a paletse
dibatana le banna a bz tlhotsê ka mašetla, a bêwa tlhôgô
ke mosadi. Fa mosadi a itshôpha ka motho lefa a re o
thata jang ke motlhobogô. Loleme lo lo bolêta mašwê
fêla :

Ana O segatlhamêla-masisi jang, Loratô !
Fa diganka tse dikgolo di go ôbêla tlhôgô,
O kokobeletsa le nare tse dikgolo tlhatshe,
Fa le morwa Manoa O bo O mmeile fatshe.

E ne e le mogaka, e le maila-go-kgôtlhwa ;
E se diangwa, a kakêlwa a itlhaolêlwa ;
Ga twe le tau tôtâ o na a e tlhola ka mašetla,
A sa e sisimoge go e tšhwara ka diatla.

O kile a tlhasêlwa ke dira di sa mo itse,
Di šolofetse go mo tšhwara a sa itebetse ;
Tsa itlhoma ke potsane o ka golêgwa ka thapô,
A di tšhwara ka mabetô-e-pelo tsa ipôna phošô.

A ba kgogogêla jaaka tilodi ya magaga
Ba phatlalala ; go se monate gare ga naga.
A ba kgêmêtha ka tšhaka ya tlhaa lwa esela,
Naga ya penologa merapatshe ya direpa.

Majê a gwasisa sekgajaja sa pôkôlêlô,
Go leba mogale, mmoi a nyérêga marâpô.
Marapô a bônê a aga a kgabisitse naga,
Gaa ja lenong le seboko sa ba sa ntshêga.

Ga feta dingwaga banna ba tšwetse tlhabanô,
E re go e umakediwa fêla ba ile borôkô.
Ga tsamaya ngwanyana wa mosetsana, Delila,
A mo itshôkêla ka natla, a ba a tla a inêela.

Samson a ipôna a setse a mo kaetse moriri,
A o tsenya logare, thata ya khutlêla ruri.
Banna ba fitlhêla a kgwabofetse yaaka tlhare,
Ba se tsenya diatla, Sethubaki, ba iketlile.

A feta a gôgwagôgwa fela jaaka kojana ;
A inêela atleng tsa baba jaaka kônyana,
Mogalagala o mogolo, Samson morwa Manoa !
Ga lebalwa malôba di gangwa di sa tlhapêlwa.

A kgobokanetšwe ke bontsi jo bo dimokanyang,
Nona, ka tshadi, ka nyana, le ka ba ba anyang.
Barêna ba Filistia le ka batlhanka ba tla ;
Le go sala opê, lefa e le yo mongwê fêla.

Pina tsa bônê tsa tlhabakana, go tshêgwa thata ;
Go tshêga motho a ba a itatlha ka mothhana.
A tshêgatshêga Delila wa moratwa wa gagwê
Lo tshotsê sekgele lorato lole, lo eseng lônê.

Ka Modimo o sa latlhè yo o ikgakologêlwang,
A o bitsa, wa araba, môta tsa menogêla teng
Ga ba ga tuulala ; go se sepê se rokgonyêgang,
Motse wa ya seribe, ga tlhôkwa le yo' ba bolang.

Ratô lo eseng lônê lo gaisa molelô wa maru,
Ratô lwa bolôtsana ke legala je lehubidu ;
Lo gokaganya bana ba motho ka meriri,
Lo kgaoganya rra le ngwana, monna le mosadi.

KAROLO YA BORARO

MATSHEDISÔ A KGOSI TOTO II

N. H. Kitchin

Kgosi Toto o šwetse kwa Kapa kwa botšhwarong.
Kafa o na a tlhabanye ka gônê ga go lebalesege. Ga twe
o batlile go palêla Makgowa, fa e ne e se bolôtsana jwa
ba ba a šupreditseng kgôrwana mo majeng.

E namaletse kwa e gônê tlhare ya Maanwane,
Go lebetšwe malôba di gangwa di sa tlhapêlwa,
E ipeile dimelemethe mo mpeng tsa majê oo
E ipikile nôga etšho ya mokwêpa. [Makgolokwe

Ka e le mokgwa a yônê tlhare, e itse moôkô,
Ya batalala mo thitong tsa mathhaletshogwane.
Ba feta ba e tlola tlhôgô ba e latêlêla mogatleng,
Ya poolala fêla ya leta ba e tlhasêla.

Jwa tla kâ tlwaêlô Bošweu jwa Mohumagadi,
Jwa fêla jwa leka go e kgwisa Motlhaping.
Ya lala e šupile tshêtlha Tlhare ya Bahurutshe !
Ya re, "Wa me ngwana ga ke mo ntshe maleng."

Ka nama e beta ka lotha, ga na ga ntšhofala,
Letsatsi ja phirima motshegare o mogolo.
Ba e tlhabaka ditlhana e sa itogagantsê,
Nôga ya kgaga tšoo Makgolokwe le Mokgothu !

Ya feta ya ntsha tlhôgô, ya ba kgwêla mathe
Ba rakalala jaaka motshitshi wa magôgwê,
Ba ipôna ba le fa gare ba sa itšholofêla ;
Dipitse di sapa madi di tsenye ka mangôlê.

Mokgwa wa yônê tlhare e bonya go kgogoga,
E iketla fêla, e leta mongwê a ka tlhasêla.
Le ntsha di e bogola e bonya go thanthologa
Ka e le setlhogo e sa rate go sikêlêlwa.

GENERAL SMUTS *N. H. Kitchin*

E rile ntwa e kgolo (1939-45) e simologa Morêna Hertzog a tatêla batho ba mono go tsêna mo go yônê. Mme General Smuts a gana a ba a natlola Hertzog setilo. Kitchin a kgatlhéga thata, a kgatlha ke Smuts, a re e kabô e le Motšwana o na a tlaa mmololêla a ya go mmaka.

Lefa a sa šolofele kgomo ya Maina o mmaka fêla a re :

Pudumô ya dikgwa tsa Tšhwaane le Gauteng!
Pudumô ntsha tsêbê O utlwê ke gorogile.
Meraka ya gago e utlwaeletšwe Têemaneng,
E utlwaeletšwe fa gare ga Mangaung le Baê.

Ka O le Talêla-lorole, O le Tšhukudu e tonâ,
O ntse O bataletse ka bomo O disitse bana,
O itse O tlaa rotologa jaaka marôrô mariga,
O tlaa kokomoga jaaka tsiê ya Gwetla phakêla.

O sale O tsalwa lefatshe le iketla.
Podi e tonâ e tsamaya e thwantsha mesifa ;
Dikamêla tsa ba tsa khutlêla go bêlêga
Pelesa ya ntshiwa mogala ya kgaolwa segaba-mpa.

Kaisara e kabô e se motho molôba-mafoko
O ka ba a bolêla, a ntsha ka phatlha-molomo
A re, "Tlhare seo Senkgane, senkgêla batho,
Se thomilwe jalo go nkgêla ditsênô."

Mogakabe, wa palama lotlharapa phakêla,
Wa tlharapa ka bogosi o sa tsaya tšhaka ;
O ntshitse kodu ka bomo go sa akabalwa,
Makolwane a sala fêla a sa khaêla-khaêla.

Ana o ka rialo go ka tuka molelô mo gae
Ka ke a itse ba ka sikologa go atamêla Tšhwaane
Lefa e le Kapa tôta ba ka tšhabêla kgakala
Ba tshaba Tšukudu e' naka longwê-fêla.

O ba rêê ba botsê Bana ba ga Mma yes,
Malôba Ou Paulô a tlerebetsa makuku,
A iletsha motse wa Gauta go ya seribe ;
A na a bolêlw a se monatenyana.

Sematshe ga a ka a nna a umakediwa ntwa,
O tla a lale a khidiêga go robetšwe.
O ile Transvaal a bua ka thupa e phatšhwâ
A ya Bophirima-tsatsi Jérêmane a utlwa.

KGOSI THIBOGANG N.H. Kitchin

Kgosi Thibogang o na a busa mo Ganyesa mo kgaolong
ya Huhudi (Vryburg). O šule ka 1946. Erile a simolola
pušô a tlabantsha bongaka thata. E ne e tle e re fa a
utlwaletse ngaka mo motsing wa gagwê a e biletse kgotla
e fete e laodise ditlhako gônê gore a bônê boo ke ngaka
tôta, mme fa e se yônê e be e itlholetse. O na a le molêma,
a bile a betsa ka ônê.

O na a rutilwe, a itse Sekgoa.

Nare ya dikgwa tsa Kgôkgôlê le Morokweng !

Nare yo Ntshêlang, e phatlaladitse baloi.

Boreaitse ba gagwê ba alafa ba sisimoga

Ka ba itse a tlaa ba fatolaka mekôtla
Ba itse a tlaa ba gasagasa le fatshe jotlhe
E ne ekete ke lofokojê lo sikologa marêlê.

Banna ba 'gwê kwa Tšhwaane ba ingwaya ditlhôgô,
Ba rile ba mo thaêla phiri ka melaô-laô.
O kile a kurutla phakêla go sa robetšwe,
Bakgatea ba Morokweng ba ka ba thôba mesêmê
Ba ithoma gongwê a ka na a ba bôna
A tlaa ba thumesetsa mesima godimo ba utlwa.

Ke utlwile a digêla kodu teng—Sedumedi!
A gogoma jaaka pula, a lela sephiri,
Kaitse fa a kgopilwe a sa rate ga lemogwa,
Ka ga 'rate go tlhôla a itšupile boganka.
Ga a ke a re a bifile a bônwa sefatlhôgô
Ka o tla a fete a isetse motho letšôgô.

Tau-ya-gae tšoma O sesêlê gaufi O boê,
O epololê medi ya ditlhare O phekolê.
Tšhôtlha thetelê O tlo O retelêlê ditshaba
O ba jêlê maimê O ba imêlê go go fenya.
Le bontšwi ba tlhôlang ba kala mono O ba fatlhê
O ba komolê diphuka ka thupa ya motlhajê.

Dipônê di lala di tuka bosigo kwa Kapa,
Di tukisediwa go butšwêlala meuba ;
Ba butšwêlêla go besa tshipi yoo Ntšhêlang,
Le mo Huhudi ba tšhwere ka thata meubeng.
Bathudi baa itata ba re e ba gasa ditlhase,
Ba re ga e angwe e ba ntsha ka mogote.

Lo disê lo se ka lwa e ogola e sa gotetse,
Tshipi eo e thula dinôtô e thula bo tšwadibane.
Ga yane e besiwa ke motho a ithuta bothudi

E thulwa e itlhaolêlwa e tšhwarwa ke badiri.
Le gônê e butšwa fêla e besitšwe ka makala,
Ka e tšwa tlhatshe ga lefatshe jaaka magala.

GALESEWE A BOTLHASITSE

N. H. Kitchin

Ke tlhokile Maina a mafatšwa, Motlhaping,
Nkabo ke go bakêla ga kgaga tsa Majeng!
Basadi bo mmê a ko lo nkatšweng
Ke rata go losa tlou e dule moseleng.

Tshadi ya Kgoeng e pegile dithari,
Selelô sa bônê se tšositse le Setori,
Sa tšosa nona yotlhe le ka khumagadi
Kwa Majeng gônê go tlhabanwa ka tshadi.

Tlou e e ratla lo sephatlo jaaka lwa tladi
E tlogetse mahulô a Taung ka dipadi,
Yare Bakhothu ba sa nnetse dikhadi
Ya ba tsêna gare ka modumô wa sephadi.

E ile go itsetsepêla fale Ditloung
E lekantsê sebaka sa gônê le Taung.
Motlhala wa yônê o feta Dithakwaneng,
O feta gaufi fa Qo le Manyeding.

E fetile gare ga bosigo e sa bonwe—
E gopotsê kgôrô tsa majê, yoo Gasebonwe.
E sale e ipêêla tlhwatlhma kwa Phôkwane,
E tlogêlêla ruri ga Molalê le Mankurwane.

Ya feta ya kgalema goo Makgolokwe,
Monna a diga keledi e le potokwe.
A gana go bôna jalo morwa Makgolokwe,
Le ênê a tswêla ntlê ka phatšhwana ya gagwê.

Bošweu jwa ikana Mohumagadi Setori,
Tlhapi ya ikana Monakô wa mosadi.
Ga rakana batho ba tšhwana ka bogosi,
Ba busiwa mmôgô ke magosi a sesadi.

Tsatsi le diketse motshegare mo Majeng,
Basadi ba boyâ ka dinkgô ba ya nokeng,
Dithole di thibile ditsela mo nageng,
Modumô wa thiba ditsêbê mo majeng.

Dipitse tsa gobua madi jaaka metse,
Tsa tlola toto sa motho se pooletse ;
A lela gatrok wa ga Totwe ba hupetse,
Bujane wa Motlhaping a ba khurumetse.

Motho a ba' gakologêlwa merapêlô,
A utlwa ratla lwa tlou lo mo ama pelo.
E itshetshetse Tlhapi e baanya mekgobolô,
E thusa Tlhware go baanya marôbalô.

BANKU TLHOMELANG

N. H. Kitchin

Nkwê o kile a dira ntshenya-tshenya mo sekgweng
sa Kiang gaufi le Bothithong. Erile a bololetšwe banna
ba le bantsi ba feta ba tshaba. Ga ipepetsha Banku a
itebaganya naê ; a tlhôka yo o mmakang ka go twe ke
mosimane ga a ise a ke a ye nageng. Basadi bônê ba ntsha

pina ba re, —“Rona re itse Banku Rra Dihemô, o baile
nkwê mo sekgweng Kiang.”

Tsamaya lo yê go utlwisa Sebobi Kwena,
A tlhabisê Batlhaping le Baphadima kwana.
Lo re kwano dikgomo di hula go rata
Go le tsela e atlhamé ya Ntšwê-le-tona.

Taboga lo bolêlê kwa goorra Masite,
Ba itlhaganêlê le monnawê, Ekatile ;
Ba tlê go bôna jaaka go bo go diregile,
Motho o kampanye le nare o e digile.

Mephatô ya menoga ka mafatshe otlhe,
Ba phuthêga ka ditshika tsa mehuta yotlhe ;
Ba phuthêgêla go losa tilodi ka bojotlhe
Ka e ba feleditse dihutshane tšotlhe tšotlhe.

E le makgolo a mabedi a banna ba tlhakana.
Go beilwe pele ga Modimo le sebatana ;
Se eme go le botlhoko tlhoko bônê ba reketla
Se ntshitse sefatlhôgô se lebanye le phatshwana.

A ipepetsha morwa Tlhômêlang, sa rakalala,
Banna ba thubêga sephatla, ba phatlalala ;
Ba itlhoma ke modipa a falatsa letšholô,
Motho a tlola pitse a lebala le tlhôbôlô.

Eri le gôrôga bo' ba le mafalalele,
Mongwê le mongwê a tla a itshikaretse thêbê.
A setse, wa ga Mma Dihemô,—ngwana a phadima
Wa ga mmê. Makau a tlhometsse thêbê segwapa.

Eri le tlhaga tshadi ya êma ka dinao,
Mogolokwane wa atolola babômogolo
Ba itlhaganêla go tla go bua sebatana ;
Makolwane ale a tshaba le go kganyakganya.

Selô se bona jwa boša ga se bona, bonnana,
Ke fa banna ba tla ba tlhometse thêbê segwapa ;
Ba tlogetse mosimane a le esi mo sekgweng,
Ke fa dikgomo di tsamaya go rata mo nageng.

MORENA MALEDU (CECIL RHODES)
N. H. Kitchin

Morêna Maledu ke mongwê wa makgoa a malôba yo
o diretseng lefatshe jeno thata. O umakwa mo Têêmaneng,
e le mongwê wa ntlha wa baepi ba yônê gônê.
Ke mongwê yo o na a gopotsê thata kaga go ralatsa le-
fatshe jeno tsela ya koloi ya molelô, go tswa Borwa go
fitlha Egepeto. O na a bile a lwêla kôpanô ya dikgaolô
tse nnê tsa fatshe jeno.

Ke Maledu, lo ka mmôna a betlilwe mo lefikeng,
A eme gare ga motse mogolo wa Têêmaneng,
A tsepégile mathô kgakala a lebile kwa Mafikeng :
A thothomeditse mogopolô kwa Matebeleng.

O eteletse sesaba sa ga gabô pele jaaka Mošê,
O tsenye mono a feta a phunya mekoti ya Niberose,
A tsêna Bolawane a ba a nama jaaka thôtsê,
Bolawane o kakanngwang o tsêrwa tšhwêê-tšhwêê.

O ntshitse morwa Loapi ka tlhako ya sejaro,
Lefatshe ja gagwê ba le dira matsankô-tsankô,
Gompijeno gauta le kgôtlhô di êtšwa segolo
Goorra Matshôbana go êtelwa fêla ga go poitshêgô.

O phuntsê tsela Maledu, ga go tlhole go belaêlwa,
Le motho a êtêla goo Moselekatsé ga' re oa palêlwa.
Dikgetse tsa dipabi di ikhutseditse go šôtlhêlwa
Bolawane jaanong ga a tseelwe ngwaga go êtêlwa.

Ruri pelotshweu e kaiwa e ntsha lobelô !
Morêna Maledu o šule sentlê a se na tlhobaêlô,
Ka a raladitse lefatshe ja Matebele koloi ya molelô
Egepeto re tla tsamaya re mmôna ga go pelaêlô.

BOROKO—MAHURA A MMOTLANA

N. H. Kitchin

Motšwana a re borôkô ke mahura a mmôtlana, ka fa
motho a se ditlhabi oa bo rôbala fêla a ba a thulamêla
jaaka yo mongwê. Ga bo rôbalwe fêla ke barêna kgotsa
bahumi. Bahumanegi le malata le bônê ba bo rôbala ka
go tšhwana.

Mahura a go nowa ke babôtlana
A ba a nowa ke ba ba kobô dikhutshwane ;
Bahumi erile ba ikgêthêla papetlana,
Bo' ka ikgêthêla metlôbô ya gauta le têemane.

Ga e re bo tlaa bônwa go lowe,
Bo bônwa ke motho le a sa bo huhulêla.
Molwetse fa a lokiwa eseng sentlê go twe
“Gompijeno o letse a sa thulamêla.”

Monate wa borôkô ga o batle letšwai,
Ga bo batle go pekanngwa le sepê go natetshiwa ;
Diphôlôgôlô di bo rôbala ntlê ga ditlhabi,
Bo mokoduana bo ba batle go nontshiwa.

Bo lebadisa dikhutsana bohutsana,
Bo kgaoganya batlhôlagadi le dikakanyô.

Ke jônê tau e e bolayang ka bolôtsana,
Ke kgôgêla go yo o bo ipeileng sebeting.

Sebokwana ga twe ke sa motšoga-pele,
Ga twe motšoga-moragô ênê le go se lebêla.

Ga twe phokojê go tshela yo o dirêtsênyana
Go tshela yo o iteileng monyô phakêla.

LEUBA

N. H. Kitchin

Leuba le itsege thata. Ke selô se se bothhoko thata.
Diruiwa dia gagaana mo go jônê. Ditlhare le ditlhhatshana
di omelele le metšwe tôta. Phefô e e fokang le yônê e
be e hutsafale ka yosi.

Go tsenye mosetsana a moroba, o a tšubutla ;
Ga a bolo go sesetsa nakô tsele tsa letlhabula.
O kgopilwe ke pula ya mariga e koma-koma
Ya dikgakologô yônê ya feta ya mo tlhotlheletsa.

Tumedi ya gagwê e utlwetse a paoganya dikaka
A khurumeditse ka dithole a sale kgakala,
A tshebêla malala-thakadu ka mebu le matlakala
Makala a inêga dikala a phothosetsa makakaba.

Tse e leng dimela tšônê ga a batle go di lebêla,
O di bolaya setlhoga le ka matlhogêla.
Segwere sa mokawa le kgêngwê di lôwa fêla
O busa a le esi, Leuba, a ba a ubêla.

Ditlhhatshana go padile tse di lošokô,
Tse di metšwe e ikadileng kwa badimong.
Naga yotlhe e tlhontsê mo go botlhoko,
Ga go gopê ga yônê go sa tshepheregeng.

Dithoba tsa legodimo ga di rothe thothi,
Matšha le megobe e megolo e kgakgabetse.
Mmopamô o letse gare ga nku le podi,
Etšwa le diphôlôgôlô tsa naga a di letse.

TSHIPI

N. H. Kitchin

Tshipi ekete e gaisa dilô tšotlhе tse di êtšwang mo mbung. Rona batho bantšho re sale re e itse go tšwa kwa goo Lôê. E dirisiwa ke botlhе ka malatsi otlhe. Thušô ya yônê ga e kake ya lekanngwa. Lefa tlhwatlhwа ya yônê e le kwa tlhatshe ga ya gauta le têemane, lefa go ntse jalo selekanyô sa thušô ya yônê se fa godimo ga tšônê.

Go butšwê mekoti ya gauta le têemane,
Go butšwê ya selefera le ya kgôtlhô ;
Ga tlogêlwa go disiwa le matšomane,
Ga tlogêlwa maraka a beilwe mekgôrô.

Têemane ke yônê bošwa-bo-tšhwerwe,
Yo o e amang o atlhotšwê lošo ;
Ba le bantsi ba setse ba šwetse 'Tukae
Boidiidi bo golegeletšwe ka botshelô.

Ga go opê o itseng mmêrêkô wa gauta,
Lefa re bôna beng ba e šwaleletse ka natla,

Ba sa rate go utlwa e umakwa le leina tôta,
Le ba ba e disang ga nke ba rôbala.

Mme makgôna-gotlhe wa tšônê ke tshipi,
Lerumô jetšo, le tshaka ke ênê fêla
Etšwa le yônê koloi ya molelô ke tshipi ;
Go sita kang le šônê sefofane tôta.

Motshere-kôma, koloi e e gagabang
Koloi e e tabogang ka lookwane,
Ka mahura le ka metse a a tukang,
E bopilwe matsêtsêlêkô ka yônê.

MATLHOTLHA-PELO A GA NTSÁ

N. H. Kitchin

Fa ntša e kabo e na le thata ya puô, e kabo e itôka ka bohutsana. Batho ba le bantsi ba tšhwara ntša ka mo go sa siamang. Ba e bolaya ka tlala, ba e rôbatsa kwa ntlê ga dialô, ga go na kakanyô epê fêla mo go yônê.

Nna, morwa Selatlhwa-le-boboa,
Ke tshedile fêla ka Modimo.
Ke letile fêla ke bolawa,
Eseng jalo ke rekisiwa
Fa ke tennê mung a me, motho.

Ga eke ere fa ke le phošô
Go nnwa fatshe go latêlwa ;
Ka nna ga ke thaloganye puô
Ke bolêlêlwa fêla ka lerumô,
Le ntlhabile pelo, ke ôtlêlwa.

Yare fa ke ruilwe ke motho
Bana ba gagwê ba ikhutse,
Ga nke go twe ba bônwa molato.
Ga ba senye sepê mo teng ga ntlo,
Go senya nna, Ntša, ka ke sa bue.

Etšwa jalo ke thusa ruri,
Yare go le thata ke gopolwe.
Bana ba kwaisitšwe meruti
Nna ke tlhôla ke raletsse letsatsi ;
Mme le go jewa ga ke fiwe.

Ke kanngwa marapô fa go jewa
Le ke tšomile tsatsi jotlhe.
Fa ke lapile ke a bidiwa,
Ke šolofediwa go bolawa
Fa ke sa iteke lobelô lotlhe.

Ke tsheletse fêla lešotlégô,
Ka le dijô ke jesawa tse di tala.
Fa ke rata go tla utlwa dijô,
Ke ngwangwaélê go le bosigo
Ke ipolokê bojosing, ke tšhwarê logaba.

Mme aitse lefa ke sa tšhwarwa
Fa le tlhaba ke tla itse fêla ;
Ke bôna jaaka go tla go latêlwa,
Ke bidiwa fêla ke belaélwa,
Gongwê e se jalo ke šotlwa fêla.

Ke lôpa lošo malatsi otlhe,
Ke lapisitšwe ke go nna ke sêjwa,
Ke tenwa ke mariga gotlhe.
Ke aga ke ba disetsa legae
Mme maduô a me ke lešotlô.

DITLHALOSO

- BAREKI**, morwa Morwê.
 E ne e le kgosi ya Baamothware a busa mo kgaolong
 ya Tšoe mo fatshing ja Kudumane.
- Legatakgomo=leina ja mophatô wa ga Bareki.
 Mokawana=setlhôpha.
 Go betoga=go iphêtla.
 Go tshêphêrêga=go ledisiwa ke ditlhabi.
- Bophosana-motse=balotlhangani.
- KELOKILWE**, morwa Mmennyane.
- Maboko=Barwa.
 Borale=bokete.
 Thlabang=Ntwa.
 Makhonkhobe=Matebele.
 Nkašélê=dimo.
 Go khekheisa=go rumola.
 Go phora phora=go tšhwara fa le fale.
 Mogwere=maitibolô.
 Magolodi=nônyane tsa molapô.
 Tšaamitlwâ, nkai, šôkwê, mokawa=ke ditlhatshana tse di botlhoko thata.
- KGOSI MANKURWANE**, kgosi ya Tlhaping.
 Go alafa=go baka.
 motlhaje=seôpôsengwê, mošwejane.
 Motlharamare, Motlhantlkwe=secwerere.
 Legogora=mothonyana.
- Dikgora=kwa ntlê ga motse.
 Go ruba=go bôra, go phunya.
 Bodile=phôlôgôlô e e šuge-tseng.
 Go gotsa=go tšhwana.
 Tšatšabidi=Selô se se botlhokotlhoko
 Digaramô=seêmô.
 Komisi=lekôkô, (troop).
 Letšhuti=go thiba letsatsi.
 Maputlakanye=Sethubaki.
 Go utla kgwele=go lwêla lesapô.
 Go kebetsa=go gama, goanya.
 Go nyaêla=go šuga, go ngwaela.
- Luke, kgosi ya Tlhaping.
 Pôô e tšhweu=Lekgoa ; e ntšho=moho yo montšho.
 Leuma=lobodu.
 Ngwana a mabu=moho yo o šwetšweng ke bomogolôe.
 Go taleya=Go bisa go tshasa.
- KGOSI TOKWE**, morwa Makglokwe.
 Makhelebetla=yo o khelebetlang.
 Go boboragana=go ikhutaganaya.
 Go gotlhetsa=go dila.
 Ditolhogoripa=dibaakane (beacons).
 Morapalalatseleng=terata.
 Bomatlhôanong=bodimo.
 Molôkôjê=molôtsana.

MATEBESI.

Dikgomo tsa boša ke madi.
Go pidiana pidiana=ke go wa
gantsintsi.

KGOBETSI.

Ditšhwaela=diphôlôgôlô.

MOFOLENG.

Thôbaki=Morôbaki.
Kakapa=Senonobi.
Kgetlwa=Kgelegetlwa =Se-
tlhatshana se se botlhoko.

KEKESI.

Lo e gamile senyetsana=lo e
lwa e sa alafwa.

SEKODIE.

Go tlhakola=go thopa, go
tsêela ka kgang.
O ntikhakanyê le batho=O
ntšhwantshê le batho.

KGOPADITHATE.

Bosikélélô=borumolang.
Moratha-tlhôbôlô=mohudi.
O e laetse sekôtê=O e tlha-
tlhetse thata.

SETŠHOGELE.

Malokoganye=Molebaganyi.
Seopa=fa go majê mantsi.
Motlhanthaganyetsi=thoro-
mô.
Dithathamolelô=mekonêgô
(Go konêga=go besa ka
magala).
Go betsha=go bifia.

MOKGOTHU.

E dikônkwana=e befile.

E segola=e mmala mo pha-
tleng.

Go tthatlogêla=go latêla.
Matšhwaga=tse di fatotšwe-
ng ditsébê.

Go jetla jetla=go kwanyapa.

MOIPOLAI.

Lenesapula=leina ja mo-
phatô.
Bujane=tlhôbôlô ya bogolo-
golo.
Magorometšo=Goromêntê.

MABIFI.

Makgérêkgetšhana=dilônya-
na.
Mokatapitse=lešômôtlha.
Madumedi=ditau tsa maka-
wana.
Go phophama=go tlabama.

NNOSANG.

Phenyamatlhhalalê=mootho yo
totetseng mophatô wa ga-
gwê.
Go lolama=go palama.
Mmero=pina ya Setswana.
Go kôkôlôta=go belafala.
Go rolêla=Go gaisa.

KEBIDITŠWE.

Kgarebê=-Morwa Ikaêgê.
Sekwere=senatla.
Kwataile=phôlôgôlô e e šu-
getseng.
Perekisi=(Purchase)=Mo-
kgethisimongwê wa Ku-
dumane.
Go gaba mathô=Go bifia.
Go nna kgolokgotha=Go nna
mmôgô.

Go kwalapetsa=Go palama.
Mogokare=Setlhare.

NTWAENG.

Niberôsê=Kimberley.
Mafalalele=go falala.
Go nyaola=go ntsha (go lélêka).
Go foêga=go bua thata (praise).

SIANG MORE.

Botšwidi=dinotshe tsa dikgaga (dimane).
Go nna tshimêga=Maritiba.
Makgatlha=thapô=makgatlanêlô.
Sedumedi=tumô ya legodimo

LEKGETHÔ.

Go toutêla=go tlhaloganye-tsa.
Go natlola=go tsêela.
Lorêtšana=mmopamana.
O tla balêlwa motho=go bollowa motho.
Letšhootšhoo=Sematla.
Fatsa lwa tladi=mašwê a a seng mantlê.

SEIPÔTLANE.

Perepetsha=moleleki.
Motlhwatlhwa=letšholô.
Bomolekanêlê=ditau.
Go tsenya lekete=go nonotsha.
Kgolomarêthê=phôlôgôlô e enônang thata.
Go efa=go tshaba.
Dibetšo=dithupa.
Tlee!=a e nê modiga.

MOKOMELE.

Molobi(from go lôba).
Makgonya(from go kgonya)=go itshigithetsa.
Mmuophêphê, Dihawaneng=Maina a mafatshe mangwê a a mo Kgalagadi.

BAREKI.

Go lebanya=Go bitsa ka.
Sekelekuma=pitse
Go faralaga=Go phekamisa.

RAKGÔBE.

Diputlêla=dikôtlôpô.
Kôkôbêla sebaka=nyêlêla kgakala.

PHEFÔ.

Tshengwa=gopolwa.
Dipoeng=methabeng.
Dirôjana=batlhwana.
Merapalalatseleng=diterata.
Nyamalala=tuulala.
Di inêla tsa kôlôba=sia thata.
Malébê=lefa e le mang.

MAHUMA-PELO A GA PHOKOJE.

Lôtlégêla=itsise.
Dušô-logolo=mmuô.
Maeba a sa sedile=go sena opê
O ilwa phifadu=o ilwa go lebêlwa.
Nkêla motlhaje=nkêla seô-pôsengwê.
A e ke e nê modiga=a go se rialo.
Ditšwa-mbung=dijô.

TAU-TSHIKELELA YA DIKGWA.
Mogaka=mogale.
Ithaotšwa=ipetšwa

A ngosele ka mōnokēla=a
ngotlege ka bonya.

Mmetēla=thata, bontsi.

Gaola=fēla.

Lephula=letsapa.

Ipepetsha=ipônatsha.

Thantshitšwe=belegolotšwē.

NGAKE.

Phara-metlhaba=motsamae-
di kgakala.

Ikogogona=tshaba.

Botumutumu=bothata.

Garama=diéga.

Musi-wa-thunya=Victoria
Falls.

Kgomorololwa=ntshiwa.

MENDI.

Tshelepaganaye=tšhwaraga-
nye

Paoganya=kgabaganya.

Gamuketse=geletse.

Masiēla=dikhutsana.

MADUBADUBE A 1939.

Faratlhatthanngwa=ipaaka-
nngwa.

Phatšhwana=tlhôbôlô.

MAKGOLA-KGANG A 1945

Rôthôtha=lomaka.

Supa tshêtlha=ikana.

Dibibi=ditoto.

Tlhabeletse=tšweletse.

Tsenya letlhabéla=thusa.

Omile nkô=šule.

Bokabokêla=tsamaêla.

Tshetsha=kgôtla.

KGOSI ROBANYANE Toto II
Ke utlwā mathaithai=Ga
ke utlwē sentlē.

Mafalalele=ba ba faletseng.
Dimelemethe=mekoa-koa.

PULA.

Bebentsha=tetemisa.

Pepedumisa=teba kodu.

Ditlababa=tlhaga.

Phaphama=tlolêla godimo.

Go nna lobadibadi=go tlala
thata.

Tlêtlerégana=tubagana.

Thapathapa=élêla.

Ntsha mahupêla=tšwêla kwa
ntlê.

BOBABA JWA MADI.

Tlholtlhobologanya=baleleki
=kgogedi-baleleki.

Dingangatlêla=baitse-go-
tšhwara.

Mašôgôtlhô=tlhokwa-bônwa
Ngaloge=še pelo.

Itharabologêlwa=go tla mo
tlhaloganyong, ikgakologê-
lwa.

Khukhelwe=salwe moragô
bobe.

NKWE.

Legagaripa=senatla se se-
golo.

Kakêlwa-kakêlwa=tlhaba-
ntshiwa-tlhabantshiwa.

Mabelebele=bobidibidi.

Lenonobi=sekukuni

NALEDI YA MARIGA.

Pitlêlêla=sitisa.

Tshebêla=tlatsa thata.

Bo molelemedi=dinôga.

Dimalôlô=bo mmopamana.

ANDROCLES OA BOLELA.

Lešukašuka=mašwê a magolo.

Tlhale tsa mphêlêla morutsheng=ka sitwa ke maanô.

Nanabêla=tsamaya.

Babalêla=êla tlhôkô.

Sebêba=ka legare.

LORATO LWA GA SAMSON.

Thapô=kgôjana.

Kgêmêtha=segaka.

Sekgajaja=modumô.

Dimokanyang=tlhakanyang tlhôgô.

MATSHIDISÔ A KGOSI TOTO II.

Di gangwa di sa tlhapêlwa=go le mašwê.

Ipikile=iphetotsê nama.

Poolala=namalala.

Motlhaping=Galešewe.

Thanthologa=phuthologa.

GENERAL SMUTS.

Rotologa=betologa.

Marôrô=maru a serame.

Segaba-mpa=moitlamô.

Tlharapa=sia.

Tlerebetsa=buêla godimo.

KGOSI THIBOGANG.

Go thaêla phiri=go bêela selaga.

Kurutla=Gwasa.

Gogoma=teba.

Bo tšwadibane=marumô a segae.

GALEŠEWE BOTLHASITSE.

Mafatšhwâ=mantlê.

Nkatšweng=nthuseng.

Potokwe=kgolokwe.

Mekgobalô=maiaphithlhô.

BANKU TLHÔMELANG.

Rakalala=ipôtla.

Segwapa=lefêla.

Itshikaretse=ipelegetse.

Atolola=ntsha.

MORENA MALEDU.

Tsepégile=tlhomile.

Matsankô-tsankô=matšhobatšhoba.

Tlhobaélô=go jewa ke moetlo.

BORÔKÔ MAHURA A MMÔ-TLANA.

Papetlana=ledi.

Diretsenyanâ=seselang.

LEUBA.

Sesetsa=tsaya ka monokêla.

Letlhhabulâ=mokgorô.

Photosetsa=konamisa, thulêga.

Lošôkô=nonofileng.

Kgakgabetse=kgadile, tšhelê.

TSHIPÍ.

Bošwa-bo-tšhwerwe=selo sa mmaanete.

Tukae=setlhakeng.

Matšétsêlêkô=maatlismetlo.

MATLHOTLHA-PELO A GA

NTŠA.

Otlêlwa=bolaêlwa ruri.

Ngwangwaela=tsamaya ka bukukuntšhô.